



90123456789200

123456789210

C40-4514

丁翁一座請大藏及有
家書貴武州母泰山
我微安塔院直府中水
為學者不敢許出院內
當山三世鐵止機證誌

B 64853

大乘大悲分陀利經卷第六

失譯師名附秦錄

歎品第十八

善男子爾時國大師海濟婆羅門住寶藏如來前乾
闍婆世人前立如是真大悲五百願而白佛言世尊
若我如是意不滿不於來世賢劫五濁重結散亂惡
世冥時盲無導師無引導師爲見所困長處冥世造
無間者乃至如前所說若我不能具成如是佛事如
我立願者我當還捨菩提願非餘利中善根迴向世
尊是我所欲我亦不欲此善根迴向阿耨多羅三藐

1 2 3 4 5 6 7 8 9 200

1 2 3 4 5 6 7 8 9 210

1 2 3 4 5 6 7 8 9 220

三菩提不求辟支佛乘亦不求聲聞乘亦不求人天王位亦不求五欲供具生天之樂又亦不求乾闥婆阿修羅夜叉羅刹龍迦樓羅亦不求人中生我不於是等處善根廻向世尊雖說施得大富持戒生天多聞大慧修行無異世尊又說福德生善根廻向隨意皆告世尊我所作施戒聞修福德若我如是立願意不滿者我以是一切善根廻向地獄衆生其有衆生在阿鼻地獄受諸苦切者以是善根令彼得脫於此佛土得生爲人值如來法令得羅漢而入涅槃若彼衆生業果不盡令我今命終生阿鼻大地獄中令

我一形分爲佛土微塵數身令此一身大如須彌山王令一身覺如是苦痛如我一身覺苦痛甚令我一身受佛土微塵數地獄苦切又今現在佛土微塵數十方餘世界中衆生造無間業乃至造作入阿鼻業又復於後乃至過佛土微塵數大劫中於十方佛土微塵數餘佛國中及此佛土衆生造無間業者我當爲彼一切衆生故住阿鼻地獄受彼罪業令彼衆生不墮地獄永與苦別值遇諸佛得度生死入涅槃城我當於爾所久遠住阿鼻獄度脫衆生乃至如是於十方佛土微塵數餘佛刹中衆生有造如是業

應生燒炙地獄者乃至如前所說如是大燒炙啼哭
 大啼哭刀劍黑繩還活等種種畜生中作如是說餓
 鬼中亦作是說夜叉貧窮中亦作是說如是鳩槃荼
 毗舍遮阿修羅迦樓羅亦作是說於佛土微塵數十
 方餘世界中衆生造起如是業應生人中聾盲瘡瘍
 瘋殘百病手足不具心意散亂應食不淨略如前說
 我當復還生阿鼻大地獄中乃至隨幾所時死生於
 生死中受陰界入我當於爾所時久遠受如是種種
 地獄畜生餓鬼夜叉阿修羅羅刹乃至人苦如是諸
 苦我當受之如前所說我若如是阿耨多羅三藐三
 菩提意不滿設復我如是阿耨多羅三藐三菩提意
 滿者乃至如前所說今十方無量阿僧祇餘世界中
 現在住世說法諸佛世尊證我是事唯願世尊授我
 阿耨多羅三藐三菩提記於彼賢劫百二十歲世人
 中我爲如來應供正遍知明行足善逝乃至佛世尊
 我能成辦如是佛事如我所立誓耶爾時一切大衆
 天龍夜叉乾闥婆阿修羅及諸世人在於虛空及住
 地者唯除如來彼一切無不墮淚皆以五體禮婆羅
 門足同聲讚言善哉善哉大悲得深妙法念於衆生
 發深大悲立深大願如仁立願以至意大悲覆一切

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

衆生又能攝度造無間業乃至集不善根以是願故
知仁是初發心於阿耨多羅三藐三菩提爲衆生良
藥安濟歸趣爲脫衆生苦故立願仁如是意必當得
滿如來正爾授仁者阿耨多羅三藐三菩提記
爾時無量淨王啼泣雨淚五體禮婆羅門足又手合
掌以偈讚曰

奇哉甚深妙 乃能不著樂 懈傷哀衆生
爲我等現實

略說時觀世音菩薩以偈讚曰

自無所著著衆生 縱根逸馬已調伏

仁於諸根得自在 仁當總持智慧藏

時大勢至菩薩以偈讚曰

是多億衆生 爲善故來集 聞仁悲墮淚
異哉甚難事

時曼殊師利菩薩以偈讚曰

精進誓堅固 妙慧甚明了 仁亦應受供

塗香及華鬘

時虛空印菩薩以偈讚曰

仁如是行施 大哀愍衆生 潤時仁爲濟
具三十二相

斷金剛慧照明菩薩以偈讚曰

如虛空無邊 仁哀亦如是 爲衆生津梁
今現菩提行

虛空照明菩薩以偈讚曰

更無愍衆生 唯除諸如來 仁者功德具
妙慧心甚明

師子香菩薩以偈讚曰

妙士於來世 亂結賢劫中 當得大稱譽

度脫衆生苦

首賢菩薩以偈讚曰

勤樂生死嶮 處於邪曠野 能取燋枯意
食肉飲血者

阿閦菩薩以偈讚曰

墜於無明闇 没在結使淵 能取燋枯意
造無間業者

香手菩薩以偈讚曰

仁見來世畏 如照鏡觀像 能取燋枯意
誹謗正法者

寶積菩薩以偈讚曰

智戒二俱等 慇哀自瓔珞 能取燋枯意

誹謗賢聖者

無恐畏菩薩以偈讚曰

仁見苦衆生 於來世三界 能取燋枯意
依邪忘失者

華手菩薩以偈讚曰

愍哀智精進 於此衆爲最 能取燋枯意

老病死遍者

智稱菩薩以偈讚曰

多病之所逼 使風塵充遍 淹以智慧水
降伏衆魔兵

持印菩薩以偈讚曰

我等進不堅 能解脫濁結 如大德梵師
降伏諸結力

華月菩薩以偈讚曰

精進力堅固 如德哀愍意 名稱通三界

當割生死縛

無垢王菩薩以偈讚曰

仁今說大悲 現示菩薩行 我等今禮仁

哀愍無過者

持大力菩薩以偈讚曰

經

力乘力應多聞稱讚者

大

卷十九

結病惡世中 仁修苦提行 當斷諸結根

仁願甚堅固

月鬢菩薩以偈讚曰

智藏稱譏等 立願淨無垢 仁行菩提行

爲衆生良藥

現力菩薩摩訶薩悲泣墮淚五體禮婆羅門足已又手合掌以偈讚曰

妙哉智明士 除諸結病穢 積德行如海

脫斯衆生苦

感應品第十九

善男子時大衆天乾闥婆及世人五體禮婆羅門足又手合掌種種句義偈讚歎已善男子時海濟婆羅門於寶藏如來前右膝著地應時大地震動周匝十方佛刹微塵數佛土普極震動崛涌沒悉極傾搖復現大光明雨種種華雨所謂曼陀羅摩訶曼陀羅乃至無量光降如見華雨於十方佛土微塵數世界中所有諸佛世尊現在住世淨佛刹中及不淨刹爲衆生說法其諸音薩摩訶薩於諸佛所坐聽法者彼諸菩薩摩訶薩凡地大動雨大華雨令彼諸菩薩摩訶薩問彼諸佛世尊何因何緣世地大動降大華雨

於時東方去此佛土過一恒河沙數佛刹有世界名
寶集佛號寶月如來應供正遍知乃至佛世尊現在
住世無量阿僧祇諸菩薩衆圍遶演法純說大乘彼
佛國有菩薩摩訶薩一名寶勝二名月勝彼二菩薩
摩訶薩向寶月如來又手合掌白寶月如來言唯世
尊何因何緣世地大動降大華雨寶月如來告善男子
西方去此佛土過一恒河沙數世界有佛土名刪
提蘭佛號寶藏如來乃至佛世尊現在住世授多億
菩薩阿耨多羅三藐三菩提記說菩薩境界現刹願
莊嚴三昧境界陀羅尼門無難法其有一大悲菩薩

摩訶薩立如是願具說大悲爲授菩薩摩訶薩阿耨
多羅三藐三菩提記現如是願眼令多億衆生立菩
薩願取莊嚴佛土攝度衆生於彼一切是大菩薩具
足大悲彼諸大衆無能及者能取五濁亂結惡土一
切世間乃至集不善根心怠燋枯而攝度之彼諸大
衆天龍乾闥婆阿修羅世人捨供養寶藏如來盡皆
供養最後大悲五體禮訖又手合掌衆妙偈讚彼摩
訶薩坐如來前而聽授記如彼摩訶薩於如來前右
膝著地時彼如來應時微笑令十方佛刹微塵數世
界地極震動降大華雨爲悟彼刹一切菩薩摩訶薩

故爲現大悲菩薩願行故爲集十方佛刹微塵數世界中菩薩摩訶薩故爲說菩薩摩訶薩誓願行無畏法門故彼如來現是神通善男子彼二菩薩問寶月如來世尊彼大悲菩薩摩訶薩發心幾時彼摩訶薩修菩薩行幾時能取五濁重結亂世造無間業乃至集不善根心意燋枯而取度之寶月如來告言善男子彼大悲適始初發阿耨多羅三藐三菩提心善男子汝等可往刪提蘭佛刹奉觀恭敬親近寶藏如來應供正遍知聽說誓願行無畏法門又以吾言致問於彼大悲菩薩摩訶薩如我辭曰善丈夫寶月如來致問於汝以是月樂無垢華與汝爲信又言善哉汝善丈夫如是初發心汝大悲音聲充遍十方佛刹微塵數餘世界中得大悲名是故善哉於汝又汝善丈夫爲將來具大悲菩薩摩訶薩立大悲音願眼幢是故善哉於汝又汝善丈夫當來佛土微塵數阿僧祇億那由他百千衆生於阿耨多羅三藐三菩提皆住其中將詣佛所住不退轉阿耨多羅三藐三菩提中願有取佛土莊嚴攝度有當得授記是汝所勸化菩提者彼一切於後乃至佛土微塵數阿僧祇劫佛

刹微塵數十方餘世界中彼逮菩提轉正法輪已當稱譽讚歎汝善丈夫以是三事故善哉於汝爾時九十二億菩薩同聲白言世尊我等欲往刪提蘭佛土奉見恭敬親近彼寶藏如來應供正遍知并見彼善丈夫所可如來以三事善哉又以此月樂無垢華與善男子時寶月如來告言往善男子今正是時汝等至彼寶藏如來所聽說誓願行無畏法門時彼寶勝月勝菩薩摩訶薩從寶月如來所受月樂無垢華與九十二億菩薩俱發寶集世界譬如電頃如是彼苦薩衆於寶集世界忽然不現至此刪提蘭佛土閻婆羅園到寶藏如來所至心頭面禮寶藏如來足以種種菩薩神通供養已見婆羅門在寶藏如來前一切大眾又手合掌稱譽讚歎彼諸菩薩生如是念是彼具大悲者所可寶月如來與此月樂無垢華者彼二菩薩摩訶薩於世尊所廻向婆羅門以華與之而作是言汝善丈夫彼寶月如來以此月樂無垢華又言善哉乃至如前所說略說東方無量阿僧祇諸世界中菩薩摩訶薩來此刪提蘭佛土與月樂無垢華俱彼現在世諸佛世尊皆爲婆羅門以華爲信又以三事善哉如前所說南方去此佛刹過九十七億那由

他百千佛土有世界中佛號師子奮迅勝自在王如來應供正遍知現在住世純爲菩薩摩訶薩說大乘法時彼衆中有二菩薩摩訶薩一名智金剛勝二名師子金剛勝彼二菩薩摩訶薩問師子奮迅勝自在王如來世尊何因何緣世地大動降大華雨乃至如前所說略說南方無量阿僧祇餘佛土中無量阿僧祇億那由他百千菩薩來此刪提蘭佛土乃至如前所說爾時西方去此佛土過八十九億那由他百千佛刹有世界名上勝其佛號降伏根廣長明如來現在住世爲四衆說三乘法時衆中有二菩薩一名賢顯明菩薩摩訶薩二名師子奮迅身菩薩摩訶薩彼二善男子問降伏根廣長明如來此義世尊何因何緣此地大動降大華雨乃至如前所說爾時北方去此佛土過九十億那由他百千佛刹有世界名紫磨其佛號世自在王如來應供正遍知乃至佛世尊純爲求大乘菩薩說摩訶衍法衆中有二菩薩摩訶薩一名不動處二名慧財彼二菩薩問世自在王如來世尊何因何緣世地大動降大華雨乃至如前所說爾時下方去此佛土過九十八那由他佛刹有世界名無闇冥其佛號無畏近處音如來現在住世普爲

四衆說三乘法彼佛土中有二菩薩摩訶薩一名潤
 疾顯明二名空疾顯明乃至如前所說爾時上方去
 此佛土過二百千佛刹有世界名等華其佛號華敷
 照明如來乃至佛世尊現在住世普爲四衆說三乘
 法彼佛土中有二菩薩摩訶薩時在座中一名自執
 境界無怒二名悅持無怒彼二善男子問華敷照明
 如來世尊何因何緣世地大動降大華雨華敷照明
 如來告言善男子下方去此佛土過二百千佛刹有
 世界名刪提蘭其佛號寶藏如來乃至佛世尊現在
 住世說法授多億衆生阿耨多羅三藐三菩提記說
 菩薩境界現刹願境界莊嚴三昧境界陀羅尼門無
 難法衆中有一大悲菩薩摩訶薩立如是願具說大
 悲行授菩薩摩訶薩阿耨多羅三藐三菩提記現如
 是願眼令多億菩薩立願取佛土莊嚴攝度衆生彼
 具大悲菩薩於一切衆中無能及者取彼五濁亂結
 惡世造無間業乃至集不善根心意燋枯而攝度之
 彼一切大衆天乾闥婆阿修羅世人捨供養寶藏如
 來盡以供養於彼大悲五體禮已合掌而住稱譽讚
 彼摩訶薩坐寶藏如來前而聽授記如彼摩訶薩於
 如來前右膝著地應時世尊而現微笑令十方佛土

微塵數世界中大地六種震動降大華雨爲覺悟彼
 諸佛土中菩薩摩訶薩故爲現大悲菩薩願行故爲
 集十方佛土微塵數餘世界中菩薩摩訶薩故爲說
 菩薩摩訶薩誓願行門無畏法故是故彼如來現如
 是神通善男子彼二菩薩摩訶薩自執境界無怒悅
 持無怒問彼華敷照明如來世尊彼大悲菩薩摩訶
 薩發菩提心幾時彼大悲菩薩行菩薩行來幾時乃
 能取五濁惡世亂結重時造無間者乃至集不善根
 心意燋枯而攝度之華敷照明如來告言善男子彼
 大悲適始初發阿耨多羅三藐三菩提心善男子汝
 等可至刪提蘭世界奉見恭敬親近寶藏如來應供
 正遍知聽誓願行門無畏法以吾言致問於彼具大
 悲菩薩摩訶薩作如是言善男子華敷照明如來致
 問於汝遭此月樂無垢華爲信又與汝善哉汝善丈
 夫如是初發心大悲名聲流布十方佛土微塵數餘
 世界中得大悲名是故善丈夫歎汝善哉又汝善丈
 夫乃能爲後具大悲求菩薩摩訶薩汝以大悲之意
 立願眼幢是故善丈夫歎汝善哉又汝善丈夫於當
 來世佛土微塵數阿僧祇劫名稱周遍佛土微塵數
 十方餘世界中又汝善丈夫勸化多阿僧祇億那由

他百千衆生於阿耨多羅三藐三菩提皆住其中將至世尊所得不退轉阿耨多羅三藐三菩提其中有從世尊所願取莊嚴佛土以大悲光遍覆所度衆生而攝取之是汝所化阿耨多羅三藐三菩提衆生未得授記者彼亦於後當得授記彼一切於後乃至佛土微塵數阿僧祇劫於十方佛土微塵數餘世界中當得成佛轉正法輪已當讚歎稱譽汝以是二事故汝善丈夫甚爲善哉爾時多億菩薩同聲白言世尊我等亦欲至彼刪提蘭佛土奉見恭敬親近寶藏如來應供正遍知及見彼善丈夫所可如來以三事善哉以此月樂無垢華爲信者善男子時彼華敷照明如來告言往善男子宜知是時善男子汝等於彼寶藏如來所聽說誓願行門無畏法善男子爾時彼二菩薩自執境界無怒悅持無怒從彼華敷照明如來所取月樂無垢華與多億菩薩俱發彼等華佛土忽然不現一念之頃至此刪提蘭佛刹間婆羅園詣寶藏如來所爾時一切刪提蘭佛土充滿如是大乘菩薩求辟支佛乘求聲聞乘善男子等天乃至摩睺勒譬如甘蔗竹葦稻麻叢林成熟充滿如是於爾時此刪提蘭佛土取大乘善男子乃至摩睺勒充滿其中

彼諸菩薩頭面禮寶藏如來足以種種誓力菩薩神通供養已彼諸菩薩亦寶藏如來前見婆羅門又見一切大衆合掌而住稱譽讚歎彼諸菩薩生如是念是彼大悲摩訶薩所可華敷照明知如來與此月樂無垢華者彼諸菩薩從寶藏如來所廻向婆羅門以願月樂無垢華與之而作是言善丈夫華敷照明知如來以是願月樂無垢華與汝爲信善丈夫與汝善哉乃至如前所說以三事善哉又諸華雨雨空佛土中以種種善聲充滿彼空佛刹中謂佛聲法聲僧聲滅聲無爲聲波羅蜜聲根力聲無畏聲通聲無行聲無生聲無滅聲靜聲寂聲憺怕聲大慈聲大悲聲無生法聲受職聲登地聲純說摩訶衍聲彼種種華雨以是善聲遍滿彼空佛土中又於彼空佛土中有大神通及威德於深得自在諸菩薩隨本願爲度衆生故在其中者彼聞是聲已承佛威神隨本願以爲誓力於彼發神通速疾猶若壯士伸臂之頃如是彼諸菩薩發空佛刹至此刪提蘭佛土彼諸菩薩以種種菩薩神通供養寶藏如來訖并供養彼諸大衆已隨所得處各坐聽法

大師受記品第二十

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

善男子爾時海濟婆羅門國大師以彼月樂無垢華供養寶藏如來已白佛言惟願世尊授我阿耨多羅三藐三菩提記善男子時寶藏如來卽入三昧名曰電燈以是三昧令一切刪提蘭佛利變成七寶一切山林樹木瓦礫及地盡現七寶隨彼衆生所可助善思惟坐聽法者隨應現身其中有身現青有黃有綠有紫有赤有黑有白有現如風有現如火有現如山有現如梵有現如野馬有現如水有現如沫有現如龍有現如日有現如月有現如星有現身白骨隨所助善思惟衆生坐聽法者彼如是見自身善男子其中衆生如見自身見寶藏如來身亦復如是善男子時彼大衆見婆羅門國大師於寶藏如來前七寶千葉華臺上坐善男子其中衆生有於地坐止空中者彼一一衆生如是見寶藏如來在我前坐盡意視我爲我說法善男子爾時寶藏如來應供正遍知讚海濟婆羅門言善哉善哉大悲大婆羅門汝亦大悲爲饒益照世過數衆生故出現婆羅門譬如成好華刹種種色種種香種種觸種種葉種種莖種種根種種德悉是良藥其中有華香色照徹百由旬中

經

妙法蓮華經卷六

七

東京

有二百由旬有三百由旬略說於中有華香色乃至照徹四天下世界其中衆生聞彼華香盲者得視聾者得聽乃至諸根不具悉得成就其有衆生四百四病之所困者彼聞香已身病即除其中衆生有狂癲錯亂失志者彼聞華香逮得本心是華刹中有一分陀利出是堅固金剛琉璃爲莖而有百子黃金爲葉碼碭爲鬚臺赤真珠高八十四百千由旬縱廣正等百千由旬是分陀利香色光徹照遍十方佛刹微塵數世界中婆羅門於彼十方佛刹微塵數世界中衆生四大不和身病所困諸情不具狂癲錯亂失志心者彼諸衆生見分陀利光聞其香已一切患除逮得本心其有衆生久死骨節未離分陀利光照彼骸骨香熏觸已彼諸骸骨尋皆得活平復還起見諸親屬與彼俱遊入園嬉戲五欲自娛聚會中止從彼終已皆生梵處於中久住壽命無量彼間終已不生餘處婆羅門如彼成華刹如此大衆如日初出諸華敷舒香色顯現有高百由旬乃至有高千由旬爲多衆生除種種病如是汝善丈夫我爲如來慧日出世譬如日出光照諸華皆悉敷舒光色明淨除滅衆生種種病惱善丈夫吾今出世亦復如是以悲光明遍覆衆

生啟發衆生先造善根又以三福地立衆生汝亦勸化無量阿僧祇衆生於阿耨多羅三藐三菩提令住其中將至我所彼諸衆生皆於我前各各立願隨取佛土有取淨土有取不淨我亦隨授彼記善丈夫彼有菩薩在於我所取淨佛土淨意易化已種善根衆生而攝度之是名菩薩摩訶薩彼無大丈夫行於心意中亦無大悲彼諸菩薩不爲悲一切衆生故求阿耨多羅三藐三菩提所可取淨佛土捨棄困厄有菩薩求聲聞辟支佛乘衆生佛土彼諸菩薩意無善智有立如是願我等當於無聲聞辟支佛無集不善根無女人無地獄畜生餓鬼佛土中得成阿耨多羅三藐三菩提聲聞辟支佛但爲求大乘菩薩純說摩訶衍法求我逮菩提已得長壽命久住多劫爲淨意易化諸善根衆說法是故彼諸菩薩意無善智是故不名摩訶薩也善男子時寶藏如來伸臂於五指端種種無量色無量百千色光彼諸光明照於東方無量阿僧祇佛土於彼有世界名鷲崛吒其世界中人壽三十歲顏色醜惡無慚無愧集不善根身長三肘其中佛號月明如來應供正遍知現在住世爲諸四衆說三乘法善男子此諸大衆見彼佛土如來及諸衆

経

大乗大法門阿彌陀經卷六

六

聖

生寶藏如來普告大衆言彼月明如來過去無量阿僧祇劫於寶蓋照踊如來前初發阿耨多羅三藐三菩提心亦勸化多億那由他衆生於阿耨多羅三藐三菩提令住其中隨彼衆生於寶蓋照踊如來前立願取佛土莊嚴有取淨土有取不淨五濁於中彼摩訶薩初勸我阿耨多羅三藐三菩提我於彼寶蓋照踊如來前立阿耨多羅三藐三菩提願取此五濁佛上莊嚴時彼如來歎我善哉授我阿耨多羅三藐三菩提記善丈夫時善知識勸我菩提者彼自立願取極重結五濁惡土造無間業乃至集不善根心意燋枯墜在生死曠野衆生取而攝度爾時於彼十方無量阿僧祇餘世界中現在住世諸佛世尊爲彼遣使亦致善哉卽爲立字名善大悲照明彼大悲照明菩薩摩訶薩是我善知識饒益於我成佛未久今在鶯崛吒世界三十歲世人中轉正法輪彼亦逮菩提已於十方無量阿僧祇世界中現在住世諸佛世尊遣使供養是彼先初勸化阿耨多羅三藐三菩提令住其中者是彼先所勸化檀波羅蜜乃至般若波羅蜜令住其中者彼諸佛世尊知念先恩遣信與彼如來婆羅門汝觀彼諸佛世尊於佛土長壽淨意易化衆

經

大乘大悲分門和義卷六

七

七

生而作佛事彼月明如來於如是五濁國成佛爲無間業乃至集不善根衆生如是短命中極多作佛事不捨棄聲聞辟支佛而爲說法如是汝善丈夫此一切菩薩衆無能及者立願最妙取五濁惡刹造無間業乃至集不善根而攝度之又彼諸菩薩取淨佛土除地獄畜生餓鬼捨棄聲聞辟支佛取度淨意易化已種善根者是諸菩薩名曰如華非摩訶薩非分陀利有於易化善根熟中作佛事者婆羅門菩薩有四解怠何謂爲四一者立願於淨佛土二者願淨意衆生中而作佛事三者願逮菩提已不說聲聞辟支佛乘四者願逮菩提已長壽作佛是爲菩薩四懈怠地是故彼諸菩薩名曰如華非分陀利非摩訶薩婆羅門此大菩薩衆其譬如是除婆由毗師紐取不淨佛土攝度亂結衆生於賢劫中亦復少有善男子菩薩摩訶薩有四精進何謂爲四一者願不淨佛刹二者願不淨意衆生中作佛事三者願逮菩提已說聲聞辟支佛乘四者願逮菩提已壽命處中不長不短是爲菩薩摩訶薩四精進是故彼諸菩薩謂如分陀利不似如華是故彼諸菩薩摩訶薩婆羅門譬如汝今日於無量阿僧祇菩薩衆中善授別記於如來前大

悲分陀利出汝妙願攝度無間業乃至集不善根取重五濁佛土善丈夫以汝大悲音故十方佛刹微塵數諸佛世尊遣使稱汝善哉爲汝立大悲名又此一切大衆事供養汝汝大悲於當來世過一恒河沙數阿僧祇於二恒河沙阿僧祇少餘於彼娑訶佛刹於賢大劫百二十歲世人老病所困盲冥之中世無導師集不善根困於邪道曠野衆生造無間業誹謗賢聖非毀正法犯根罪中乃至如前所說充滿於世汝爲如來明行足乃至佛世尊轉正法輪降自在魔伏諸結魔名稱流布十方無量無邊佛土汝當有大聲聞衆一千二百五十比丘當於四十五年中如是漸漸具作佛事如所立願於爾時是大王無量淨當名阿彌陀於無量劫中具作佛事如是汝大悲於娑訶佛刹賢大劫百二十歲世人中於四十五年如是成滿大具佛事汝善丈夫當以無上般涅槃後正法住世過千歲正法滅後善丈夫汝色身舍利亦如是作佛事如汝願於爾所時化度衆生如前所說

大師立誓品第二十一

善男子爾時有梵名螺髻彼言汝善丈夫於無量阿僧祇劫中行菩薩行時在所生處我常爲汝給使隨

順供奉猶如僮僕於最後身願爲汝父善丈夫汝逮
菩提已爲汝第一檀越汝當授我阿耨多羅三藐三
菩提記時有女海神名曰調意彼言在所生處乃至
最後身我爲汝母生育於汝大悲逮菩提已亦授我
阿耨多羅三藐三菩提記時有女地神名水儀彼言
在所生處乃至最後身我爲汝母汝逮菩提已授我
阿耨多羅三藐三菩提記時有二釋一名親近二名
雪思念彼二俱言汝大悲在所生處乃至逮菩提已
我等爲汝神足智慧上首聲聞復有一釋名曰善現
手彼言大悲在所生處乃至最後身我爲汝子時有
山神名曰日臺彼言大悲汝在生處乃至最後身我
爲汝妻善丈夫汝逮菩提已授我阿耨多羅三藐三
菩提記時有阿修羅名曰釤行彼言大悲汝在所生
處於無量阿僧祇劫中善丈夫汝行菩提行時我當
與汝作親族善友如奴僕使汝最後身我當供給善
丈夫汝逮菩提已轉正法輪初說法時我先證果服
法味得甘露乃至除諸結使成阿羅漢略說爾時恒
河沙數天龍阿修羅世人隨順大悲立願受度時有
一邪命名曰壞想彼言大婆羅門我爲汝友助成衆
事我當所在生處無量阿僧祇劫中爲汝同師友及

90123456789

20

作親屬又常至汝所爲乞衣服臥具象馬車乘輦輶聚落城郭男女妻妾及諸眷屬皮肉骨血手足耳目鼻舌及頭盡求索故大婆羅門我爲汝友助成汝檀波羅蜜乃至助成般若波羅蜜大婆羅門汝行菩提行時我當如是助成六波羅蜜乃至汝逮菩提令我得聲聞處受持八萬部法真爲法師汝當授我阿耨多羅三藐三菩提記善男子大悲婆羅門聞彼語訖五體禮寶藏如來足已語彼壞想邪命言善哉善哉善丈夫汝爲我無上行友汝乃能爲我於無量阿僧祇那由他百千衆生處從乞衣服乃至頭目故我當歡喜淨心施與令汝永無罪分善男子時彼大悲菩薩摩訶薩復白寶藏如來言世尊若我在所生處於無量阿僧祇億那由他百千劫中行阿耨多羅三藐三菩提行時其有住我前行從我求食或以輕言或以麤言或輕調言或正直言從我求索世尊若我於是施者令我永已不見十方無量阿僧祇餘世界中現在住世說法諸佛令我不成阿耨多羅三藐三菩提世尊我以淨心施與乞士若受施者於信施墮障礙善法乃至折毛億分一者令我永已不見諸佛世

尊受施者乃至毛億分之一障善法者令我墮阿鼻地獄中如施飲食衣服亦爾乃至乞者從我求頭或以輒語或以麤語或輕弄語或以正直語從我索頭世尊若我於求者所有一念頃若生瞋恚不愛敬心願求果者令我永已不見諸佛世尊乃至令我入阿鼻地獄如我行施戒亦如是乃至慧乃至捨亦如是說善男子爾時寶藏如來讚大悲菩薩摩訶薩言善哉善哉汝善丈夫以大悲意立是妙願善男子時一切大眾天乾闔婆阿修羅世人合掌而住讚言善哉善哉仁善丈夫以大悲意立是妙願善勝堅固仁亦以六和敬法滿足衆生善男子如壞想邪命立願受菩薩施八萬四千衆生亦立願善男子時大悲菩薩摩訶薩聞八萬四千衆生立如是願如壞想所立生大歡喜起又手立觀一切大眾已悲喜交集而言甚奇未曾有我當於彼窮法困弊大結散亂五濁惡世爲導師商主爲照爲燈無力無覺悟者我爲示導我乃能於初發心得此如是無上菩提行及在所生處能受我頭眼耳鼻舌手足血肉皮骨乃至受我飲食善男子時彼大悲菩薩摩訶薩還坐寶藏如來前白佛言世尊我在所生處無量阿僧祇那由他百千劫

中其有求索來至我所從我受施若食若飲乃至受頭從我手中受施乃至析毛億分之一者乃至菩提若我逮菩提已從生死中不脫彼衆生不授彼聲聞乘辟支佛乘大乘記者令我永已不見現在十方諸佛世尊令我不逮阿耨多羅三藐三菩提善男子寶藏如來復歎彼大悲菩薩摩訶薩言善哉善哉善丈夫汝苦提行願如是如持彌樓山如來先勸發心於世自在明如來前立如是菩提行願如是行菩提行立願以來過恒河沙數大劫彼大丈夫於東方億百千佛土最在邊持熾然世界百歲世人中成阿耨多羅三藐三菩提號智華無塵上勝菩提自在如來應供正遍知乃至佛世尊四十五年具作佛事已入無餘涅槃大悲時彼智華無塵上勝菩提自在如來般涅槃後正法眼住千歲正法滅後像法亦住千歲大悲又彼智華無塵上勝菩提自在如來般涅槃後正法眼時復於像法比丘比丘尼破戒惡法行邪非行無慚無愧毀供養法無有慚愧斷截四方僧及現前僧衣服飲食臥具湯藥種種供具而自入若自食若與俗人大悲時彼智華無塵上勝菩提自在如來先授彼一切三乘記大悲其有衆生於彼如來法中

著染袈裟者先授彼一切三乘不退轉記其有犯根
 罪比丘比丘尼優婆塞優婆夷先於彼如來有師事
 者善根故亦授三乘不退轉記善男子大悲菩薩摩
 話薩重白寶藏如來言世尊我如是立願乃至隨我
 幾數時行無上菩提行無上菩提行所勸化衆生於
 檀波羅蜜以善勸化衆生乃至毛億分之一修行乃
 至菩提際不令彼衆生住三乘地不退轉乃遺一人
 者令我永已不見十方無量阿僧祇世界中現在住
 世說法諸佛令我不成阿耨多羅三藐三菩提世尊
 我得無上智已其有衆生於我法中著染袈裟者若
 犯相罪若因諸見於三寶失犯衆過罪比丘比丘尼
 優婆塞優婆夷有於我所能一念頃發師事想生恭
 敬心若於法僧起恭敬意者世尊我若不授彼衆生
 三乘不退轉記遺一人者令我永已不見諸佛世尊
 乃至不成阿耨多羅三藐三菩提世尊我逮菩提已
 令染服袈裟爲天世人之所尊重恭敬供養其有衆
 生得見袈裟者令於三乘得不退轉其有衆生饑渴
 所逼乏無飲食若夜又貧窮若人貧窮若於餓鬼其
 餓鬼衆生得染袈裟乃至四指令彼一切所求飲食
 隨意充滿其有衆生不相和順多饒怨疾共相鬪戰

若天若夜又若羅刹龍阿修羅迦樓羅緊那羅摩喉
羅伽鳩槃茶毗舍遮及餘世人交陣鬪時能念袈裟
者令彼衆生得悲心轉心無恐心淨心隨用作心衆
生若於鬪戰若於諍訟爲護身故尊重恭敬供養袈
裟常持自隨者令彼衆生所在常勝無能陵者從鬪
戰諍訟安隱解脫世尊若我袈裟不具此五聖德者
令我永已不見十方諸佛世尊乃至令我不能具作
佛事令我諸法悉皆忘失令我不能降伏異學善男
子爾時寶藏如來伸右臂以手摩大悲菩薩頂告言
善哉善哉丈夫所願甚善辯才妙勝善丈夫如是汝

逮菩提已染服袈裟有此五聖德饒益衆生善男子
時大悲菩薩彼以受記善哉善哉歡喜踊躍以如來
百福莊嚴柔軟右手綬網長指觸之還成童子如年
二十善男子爾時一切大衆天乾闥婆阿修羅世人
還又手住敬事供養大悲菩薩摩訶薩以華香乃至
音樂供養大悲菩薩摩訶薩以妙偈讚已就坐

大乘大悲分陀利經卷第六

音釋

灸 之石切

燔灸也

嶮 虐檢切

阻難也

淹 淹切

央炎

奮迅 奮方問切

迅思語切

摩訶 摩百切

大羽鬼切

骸 骸皆切

雄骸也

衍 乘衍以淺切

此云大

葦 葭也

多年切

癩 癩狂也

切

骸 骸百骸也

切

肘 陟酉切 **二釤** 柶絹 **析** 先的切 **纓網** 綾莫官切

大乘大悲分陀利經卷六
計字九千八百八
十二箇該銀四兩四錢四分七厘
天啓歲次乙丑季冬吉日吳江接待寺識

大乘大悲分陀利經卷第七

失譯師名附秦錄

莊嚴品第二十二

善男子爾時大悲菩薩摩訶薩五體禮寶藏如來足已還坐如來前問寶藏如來言世尊說菩薩道決定三昧門淨資用法門世尊云何得滿三昧門淨資用法門世尊善男子善女人具何資用得住堅固以何決定三昧門而自莊嚴善男子彼時寶藏如來應供正遍知告大悲菩薩言善哉善哉大悲所問甚善辯才極妙又汝大悲能爲饒益多無量阿僧祇菩薩摩

訶薩故出現又汝大悲乃能問於如來如斯之義是故汝大悲善聽吾當爲汝分別說之大悲求大乘善男子有三昧名首楞嚴菩薩住是三昧者能入諸三昧有三昧名寶印能印諸三昧有三昧名師子遊戲能遊戲諸三昧妙月三昧能照諸三昧如淨月幢勝三昧能持諸三昧幢諸法湧出三昧能湧出諸三昧觀頂三昧能觀諸三昧頂菩薩住畢法性三昧能決定諸法性畢幢勝三昧能持諸三昧幢金剛三昧能破諸三昧入法印三昧能印諸法三昧王善住三昧能住諸三昧如王住放光三昧能放諸三昧光力進三昧能進諸三昧力踊出三昧能踊出諸三昧必入言辭三昧能辯說諸三昧釋名字三昧能辯諸三昧名號觀方三昧能觀諸三昧方破諸法三昧能破諸法持印三昧能持諸三昧印諸法閑靜三昧得入諸三昧閑靜不忘失三昧能不忘失諸三昧法不動三昧能住諸三昧不動諸法等脫海印三昧能攝諸三昧如大海水不輕諸法三昧能至諸三昧不輕生滅遍覆諸三昧如虛空諸法無斷三昧能持諸三昧無斷金剛輪三昧能持諸三昧輪諸法一味三昧能持諸三昧一味捨寶三昧能捨諸三昧煩惱垢諸法無

生三昧能現諸法無生滅顯明三昧能以光明顯照
 諸三昧諸法無滅三昧能破諸三昧無是非三昧能
 終不是非諸三昧法無住相三昧能見諸三昧法中
 無住相虛空相三昧能見諸三昧如虛空無堅實無
 心三昧能捨諸三昧中心心數法色無邊三昧能照
 諸三昧中色無垢燈三昧能諸三昧中作燈諸法無
 邊三昧能諸三昧中現無邊智無邊明三昧能明現
 諸三昧中無邊智作諸光三昧能現諸三昧門光性
 無邊三昧能現諸三昧無邊通三昧淨堅三昧能遠
 空三昧法彌樓雜三昧能現諸法空無垢光三昧能
 除諸三昧中垢諸法無畏三昧能於諸三昧現無著
 作樂三昧能得諸三昧中樂諸法實遊戲三昧能得
 現諸三昧中色散明三昧能現諸三昧中難諸法無
 垢著三昧能現諸三昧垢智無盡相三昧能現諸三
 昧中無盡不盡諸法不可思議淨三昧能現諸法如
 影火相三昧能然諸三昧中智無盡相三昧能現諸三
 昧中無盡相無想三昧能於諸法中無想無受無
 掉增長三昧能見諸三昧中增長日燈三昧能於諸
 三昧門放光月無垢三昧能於諸三昧作明淨影三
 昧能於諸三昧得四正解作不作三昧能於諸法見

作不作智相如金剛三昧能於諸法作厭亦不見厭者心住三昧能於諸法心不動不覺不照不惱不生是念此是心也普明三昧能普見諸三昧明安住三昧能諸三昧中得安住不動寶聚三昧能見諸三昧中如寶聚妙法印三昧能印諸三昧法等三昧能見諸法無離等者捨喜樂三昧能捨諸法中喜樂法炬三昧能除諸法中闇冥散相三昧能散諸法破諸法句等字相三昧能諸法中得字相無字相三昧能諸法中不得一字斷作三昧能斷諸法中作無作三昧能諸法中得無作性淨三昧能諸法中得無思無相行三昧能諸法中不得相行無朦昧三昧能不見諸三昧行過等不等除集諸功德三昧能捨諸法中集住無心三昧能諸法中不得心覺分三昧能覺諸法無量辯三昧能諸法中得阿僧祇辯智淨相三昧能得諸法中無等等智勝三昧能度一切三界斷智三昧能見諸法斷分別諸法三昧能逮分別諸法無住三昧能見諸法無所依一莊嚴三昧能不見二法作相三昧能諸法中不見作相一切作一切處散三昧能入一切法作相智所可入無所受等相辭入三昧能入諸辭等相中音聲字解脫三昧能見諸法中字

解脫智炬相三昧能以光明照諸三昧妙智相奮迅
 三昧能現諸法淨相破相三昧能見諸法破相諸作
 妙相三昧能得諸法三昧中諸妙作相捨諸苦樂三
 昧能見諸法無所依無盡相三昧能不見諸法中盡
 陀羅尼句三昧能持諸三昧諸法不見邪正除逆順
 三昧能諸法中不見逆順無垢光三昧能諸三昧中
 不見有爲垢必堅三昧能諸法中得無不堅滿月淨
 三昧能滿諸三昧功德大莊嚴三昧能於諸三昧具
 足大莊嚴一切世光三昧能以智照諸法三昧等明
 三昧能滿諸三昧中得第一淨無諍三昧能諸法中得
 無諍無住處樂三昧能諸法中不得住處如住無心
 三昧能諸法中如住不退除身穢三昧能諸法中不
 得身菩薩得除語穢虛空相三昧能諸法中不得語
 業菩薩住虛空無染著三昧能逮諸法虛空無數是
 名求大乘菩薩決定三昧門何謂菩薩摩訶薩資用
 法門善男子菩薩摩訶薩有施資用得勸進菩薩資用
 資用得滿願菩薩忍資用得調心菩薩慧資用得知
 諸結使菩薩聞資用得阿僧祇辯菩薩福資用得饒
 益衆生菩薩智資用得阿僧祇智菩薩止資用得成
 作心菩薩觀資用得無是非菩薩慈資用得無礙心

菩薩悲資用得化衆生無厭菩薩喜資用得樂法喜
 菩薩捨資用得捨愛憎菩薩聽法資用得捨益障菩
 薩出家資用得捨一切有爲菩薩閑居資用得不失
 作業菩薩念資用得陀羅尼菩薩意資用以得意解
 菩薩至資用得覺至議菩薩念處資用得覺身受心
 法菩薩正捨資用得捨諸不善法修諸善法菩薩神
 足資用得輕身心菩薩根資用得滿一切衆生根菩
 薩力資用得伏一切結使菩薩覺分資用得覺法寶
 菩薩得生天上菩薩正解資用得釋一切衆生疑惑
 菩薩無依資用得自然智菩薩善知識資用得一切功
 德門菩薩志資用得不離一切世菩薩作資用得辦
 諸作菩薩至志資用得至殊勝菩薩思惟資用得具
 修如所聞法菩薩攝物資用得勸進衆生菩薩攝正
 法資用得不斷三寶種菩薩解方便迴向資用得佛
 土淨菩薩方便資用得滿薩婆若智善男子是名菩
 薩摩訶薩淨資用法門復次善男子時寶藏如來又
 觀菩薩大衆已告大悲菩薩摩訶薩言大悲於中以
 何無畏莊嚴菩薩摩訶薩得莊嚴滿忍觀第一義菩
 薩摩訶薩得無礙作一切三界無爲心於諸衆生心
 亦無爲是無畏三昧沙門法其有一切法中心如虛

空平如掌者大悲是名菩薩摩訶薩無畏莊嚴又何謂滿忍彼如是者於中不見得法可覺可知解無報法所謂說慈無我悲無衆生喜無命捨無人施調心戒靜心忍善心進勤心禪滅心慧無行心念處無念思惟心正捨無生滅心神足無量心信無數心念自然心三昧無三昧心慧根無根心力無伏心覺分破意心道無修心止滅心觀無失心修聖諦永斷修心思念佛無量相心思念法法性等心思念僧無住心化衆生極淨心攝正法法性無破心淨佛土等虛空心滿相無相心得忍無得心無退轉地無退不退心莊嚴道場心三界場心於一切衆生降魔心攝一切衆生心菩提一切法等無覺心轉法輪一切法無轉心現大般涅槃生死實等心說是法時六十四百千菩薩於十方來詣者闍崛山釋迦牟尼如來所爲聽本事決定三昧門淨資用法門故彼皆得無生法忍時釋迦牟尼如來告大衆言諸善男子寶藏如來應供正遍知說是法時四十八恒河沙數菩薩摩訶薩得無生法忍四天下微塵數菩薩摩訶薩得不退轉地恒河沙數菩薩摩訶薩得具滿是決定三昧門淨資用法門清淨智慧善男子時大悲菩薩摩訶薩以

901 2 3 4 5 6 7 8 9 210

1 2 3 4 5 6 7 8 9 210

1 2 3 4 5 6 7 8 9 210

經

方別大藏今附和林寺

卷

前七

彼歡喜變成童子如年二十從寶藏如來後如影隨形善男子彼時無量淨王與其千子八萬四千諸小國王及餘九十億衆生俱出家爲道奉持禁戒學問修禪善男子爾時大悲菩薩摩訶薩漸漸從寶藏如來所誦八萬四千部說聲聞乘法誦九萬部說辟支佛乘法誦百千部說無上大乘百千身念處百千受念處百千心念處百千法念處百千部界百千部入百千部捨貪欲使百千部捨瞋恚使百千部捨愚癡因緣生百千部三昧解脫百千部力無畏佛不共法乃至寶藏如來所受百萬部法而誦讀之乃至異時彼寶藏如來應供正遍知入無餘涅槃界善男子彼時大悲菩薩摩訶薩以種種若干無量阿僧祇喜樂華鬘末香塗香旛蓋幢麾及餘雜寶而供養之以種種闍維訖以舍利起七寶塔高五由旬縱廣半由旬於七日中以無量阿僧祇音樂華鬘末香塗香旛蓋幢麾及餘雜寶供養已又卽於彼化無量阿僧祇衆生令住三乘彼竟七日後與八萬四千人俱共出家剃除鬚髮而被法服正法堅固皆如法已寶藏如來般涅槃後護持正法興顯道化滿十千歲其中勸化無量阿僧祇衆生令住三乘有住三歸依有住優婆

901 1 2 3 4 5 6 7 8 9 210

1 2 3 4 5 6 7 8 9 210

塞戒有住沙彌戒有具修比丘梵行令住其中彼令
多億那由他百千衆生得善神通修住梵行令知陰
如怨入如空聚又令得知因緣生諸有爲知見現一
切法無我如影野馬如水中月現無生無滅無續永
滅靜寂憺怕極妙滅盡真實涅槃令其知之住八聖
道已時彼大悲大沙門即便命終已衆生雲集如是
供養舍利猶如供養轉輪聖王舍利也爾時如是供
養大悲大沙門舍利已其命終日寶藏如來正法亦
滅彼諸菩薩摩訶薩各隨本願生他方界有隨願生
兜率陀天有生人中有生龍中有生夜叉中有生阿
修羅中有隨願受種種畜生

眼施品第二十三

善男子時大悲大沙門命終已以本願故生於南方
去此佛土過十千佛刹有世界名集穢其中世人壽
八十歲集不善根凶害手血樂作衆惡於諸衆生無
有憐愍無母無父乃至不畏後世其大沙門以本願
故生集穢刹旃陀羅家巨身甚長有極大力所爲迅
速念力極大才辯難折衆行悉備彼以強力疾攝衆
生而告之言咄汝衆生能斷竊盜邪姪乃至能斷邪
見者我當賜汝等命及養身具若不止者我當斷汝

等命斷已更至餘處彼時衆生又手合掌同聲白言
 若濟我命當隨汝教盡斷殺盜乃至邪見彼時強力
 旃陀羅往語王及王子群臣百官言我須養命之具
 若飲若食若住闇蒲闍若薛夜梨舍衣服臥具種種
 塗香金銀摩尼真珠瑠璃碑碣碼碭珊瑚琥珀具及
 玫瑰我用與此衆生時王群臣多與養命之具彼時
 強力旃陀羅又令王及眷屬盡形壽住十善業已人
 壽轉增至五百歲時彼國王忽然崩亡群臣百官拜
 彼強力旃陀羅爲王拜已卽爲立號號曰福力善男
 子爾時福力王未久教化一國已如是堅進復化二
 國福力王不久乃至作一切闍浮提強力轉輪王時
 福力王自知攝一切闍浮提爲大王已然後勸人不
 奪他命住不殺生如是調施乃至斷邪見教化衆生
 令住正見隨衆生意勸以三乘令住其中時福力王
 普勸闍浮提衆生修十善業得住三乘已遍令闍浮
 提言其有求索飲食乃至雜寶彼一切來詣福力王隨
 其所求種種給與時有邪命名曰土鳴來立王前白
 言汝大王能種種極大施與爲求阿耨多羅三藐三
 菩提故大王汝能滿我意者必當於世爲燈明尊王

曰欲求何等土鳴邪命言大王我是呪師欲成降伏天呪故來白汝我今欲得生人肉眼善男子時福力王思惟念言吾已得爲強力轉輪王又復勸化過數衆生住十善業隨住三乘無量施已此是我善知識能勸我危脆身令爲堅固王曰汝且歡喜我當與汝此凡肉眼令我得無上慧眼以歡喜心與汝身皮令我得佛無上菩提善男子時福力王以右手自挑兩眼與邪命血遍流面而作是言

聽我此多天夜叉 緊那修羅諸善神

若於虛空住地人 明我是施爲菩薩

願逮最勝妙寂道 於四暴流度衆生

遷置涅槃到彼岸

復作是言若我得逮阿耨多羅三藐三菩提令我命根於爾所日不絕意念不亂不生悔心盡彼邪命呪術得成告言善男子可取我皮時土鳴邪命手執利刀剥取王皮於七日中得成呪已時王福力亦於七日命根不絕意念不動受如是苦無一念頃而生悔心善男子彼時大悲寶藏如來父豈異人乎莫造斯觀我身是也是我先初發阿耨多羅三藐三菩提我於初發心勸過數衆生於阿耨多羅三藐三菩提是

我初勇健行我隨願故從彼終已生集穢佛土旃陀羅家是我二勇健行能於旃陀羅種中勸衆生住善力乃至得爲強力轉輪王滅除一切闇浮提鬪諍怨嫉及諸穢濁又壽命轉增是我初自施眼及皮從彼命終還生集穢刹二天下中以本願故復生旃陀羅家略說於中用是堅進以善法勸衆生乃至得爲強力轉輪王滅除其中鬪諍怨嫉種種穢濁增其壽命於中亦自施舌及耳乃至一切三千大千集穢佛土一一方中作如是丈夫行以本願堅進勇猛相續以本願故於恒河沙數五濁佛刹中作如是大丈夫行勸衆生令住善業於三乘中又復滅除鬪諍怨嫉種種穢惡善男子是故餘諸佛世尊佛土清淨以彼諸佛世尊先行無上菩提行時不說他非不麤言加人不現恐怖不以聲聞辟支佛乘化衆生是故彼諸佛世尊隨意盡滿得淨佛土其佛土中無受戒犯名又不聞麤言不善之聲無諸惡音唯以法聲充滿佛土其中衆生隨意所欲無聲聞辟支佛名不如我於恒河沙數大劫在恒河沙數五濁空佛刹中以怨逼麤言勸衆行善隨衆生意令住三乘以彼殘業令我今此佛土穢濁多諸不善惡聲充塞集不善

經

卷之三

七

頃七

根衆生遍滿我以三乘說法如我先所立願而取佛
土隨所化衆生如是以勤修進力行菩提行如本所
種得如是佛土如我先所立願善男子我今略說所
行檀波羅蜜如我行菩提行時極盡施與先無有菩
薩能如是行施者後亦無有菩薩行菩提行時能行
如是施者如我行菩提行時施與除八大丈夫名持
與菩薩於南方一切護世界中成阿耨多羅三藐三
菩提號除穢明如來百歲世人中說法彼却後七日
當入涅槃如是菩薩名進覺於東方阿闍拔提世界
成阿耨多羅三藐三菩提一千歲世人中作佛事彼
舍提如來以無上般涅槃而般涅槃已過恒河沙數
大劫彼大悲舍利今猶在五濁空佛刹中作佛事道
是堅華菩薩以進誓力施行菩薩行彼却後於來世
過十恒河沙數大劫後於北方有五濁佛刹當名因
穢彼大丈夫於中當成阿耨多羅三藐三菩提號曰
除愛王如來應供正遍知乃至佛世尊菩薩名慧明
無畏喜彼善丈夫過一大劫當於西方五濁世界名
三毗羅婆帝百歲世人中當成阿耨多羅三藐三菩
提號曰日藏明無垢王如來應供正遍知乃至佛世
尊又令是二等樂喜臂當竟過數大劫後於上方有

世界名灰集曲五濁極惡劫名大亂彼等樂以本願
故於灰集曲世界五十歲世人中當成阿耨多羅三
藐三菩提號不可思議樂如來乃至佛世尊彼以本
願當十年中具作佛事已而般涅槃卽於是日正法
亦滅時彼佛土當十年空又彼喜臂菩薩以本願故
於灰集曲佛土三十歲世人中當成阿耨多羅三藐
三菩提號照明伏如來乃至佛世尊於十年中具作
佛事已當入無餘涅槃界以本願故般涅槃後正法
住世滿七十歲彼二丈夫得前受記得善哉得受阿
耨多羅三藐三菩提記彼二丈夫頭面禮世尊足已
以是歡喜上昇虛空去地七仞又手合掌同聲以此
偈讚世尊

佛照世間譬如日 上智勇出於此時

一 目淨無塵世導師 明能降伏諸異學
於多劫中修無想 爲求微妙上菩提
供養諸佛如恒沙 過去導師未記我
心善解脫無貪欲 能使盲世修善行
爲失道者說妙法 於生死河度衆生
我於自然法出家 世尊所說解脫戒
我等已學及三昧 隨從世尊猶如影

經

大藏方廣經卷第十一

樂法自活無所依 聞法生心如尊想
我今現前得職地 佛授我等菩提記

佛言其二未發菩提心善男子此等樂喜譬彼四持
與進覺道是堅華慧明無畏喜此六丈夫我初化於
菩提者汝等善聽我今當說

身施品第二十四

善男子往昔古世過無量阿僧祇大劫爾時此土名
無塵彌樓厭彼大劫百歲世人蓮華香如來像法中
善男子我時爲闍浮提強力轉輪王名無勝有千子
我皆勸於阿耨多羅三藐三菩提彼亦於餘時出家
於蓮華香如來法中具修梵行彼亦興顯蓮華香如
來法唯我六子不欲出家不欲發菩提心我數教語
汝等何求不發菩提心不肯出家耶彼言我不能出
家所以者何於像法弊惡時有出家者不能具持戒
身彼當乏七聖財恒處生死淵彼當復失人天功德
有不具持佛禁戒者長在三塗是故我等不能出家
我復問言汝等何故不發菩提心彼言若能以一切
闍浮提與我等者當發阿耨多羅三藐三菩提心善
男子我聞語已甚大歡喜而自思惟我已令一切闍
浮提人住三歸依勸八聖分齋又勸三乘我今應分

此閻浮提爲六分持與六子勸以菩提我宜出家具修梵行尋如所思分一切閻浮提而作六分與諸子等我卽出家具修梵行彼閻浮提六王不相和順鬪譖怨嫉疫氣流行興兵交戰各不自寧令普閻浮提極大饑饉天不降雨五穀不成樹木不生華葉果實及諸草藥亦復不生人民鳥獸餓渴身然苦逼難堪我卽思惟今正是時應以身施自身血肉充足衆生捨林而去往詣中國上障水山上立誓願言

如我今者捨身命 但因悲念不爲天

爲利世人及諸天 令成肉山給衆生

如我捨身受妙色 不求釋迦及魔王

爲益世人及諸天 令我肉血成彌樓

聽我 天龍夜叉 有在於此山樹神

我因衆生起憐愍 以身血肉濟群生

我立願時阿須羅宮皆悉大動地極肅震彌樓傾搖海水波湧天及諸神皆悉悲泣我時卽從障水山上便自投下以本願故卽成肉山高一由旬縱廣正等亦一由旬人民鳥獸來食血肉以本願故晝夜生長漸漸乃至高千由旬縱廣正等亦千由旬周市四邊皆有人頭悉具髮毛眼耳鼻舌口齒悉備彼諸人頭

經

大藏大九卷第

卷

重

高聲唱言咄汝衆生各隨所欲恣意取之食肉飲血
 若眼耳鼻舌口齒髮隨汝所欲身得充滿從意所求
 若發阿耨多羅三藐三菩提心若聲聞乘若辟支佛
 乘此是汝等養身之具卒未便盡不與汝等作於施
 罪又令汝等命不速盡其解脫慧衆生有發聲聞乘
 心有發辟支佛乘心有發阿耨多羅三藐三菩提心
 有求人天福心食肉飲血有取眼者有取耳者取鼻
 有取脣有取齒有取舌者以本願故尋卽還復不盡
 不減乃至十千年以身肉血充滿一切闇浮提人夜
 又及諸鳥獸於十千年中施眼如恒河沙施血猶四
 海施已身肉若干須彌以舌施人如鐵圍山以耳施
 與中彌樓等施鼻猶若大彌樓山我以齒施如耆闍
 嶠山我以肉施遍娑訶利善男子觀我於十千年中
 以一身命如是無量無邊阿僧祇施以是充滿無量
 無邊阿僧祇衆生無一念頃而生悔心我卽於彼立
 如是願若我得成阿耨多羅三藐三菩提意如是滿
 者如我於此一天下中自身血肉充足一切令我如
 是於恒河沙數千年中於此無塵彌樓厭佛刹一切
 方中我以如是身於一方滿十千年以身血肉皮
 膚眼耳鼻舌脣齒及髮充滿衆生勸以三乘若人夜

又羅刹及諸畜生有四大者噉肉飲血乃至餓鬼我當充足於彼一切如我一佛刹中以身血肉濟諸衆生如是普於十方恒河沙數五濁佛土中以身血肉眼乃至舌充彼衆生以如是身恒河沙數大劫之中以已身命充足於彼諸佛土中一切衆生若我是願意不滿者令我永已不見十方餘世界中已轉法輪現在住世說法諸佛世尊我不成阿耨多羅三藐三菩提使我於生死中不聞佛聲法聲僧聲波羅蜜聲力聲無畏聲使我於生死中乃至不聞善聲若我身施與充足一切衆生如是願不滿者使我常處阿鼻地獄若我求願如是得滿如我於此一佛一佛刹土一一方中以已肉血如是充足一切衆生亦於十方

恒河沙數餘佛土中以身肉血充足衆生善男子觀如來所行身施檀波羅蜜相續眼施積滿闍浮提至三十三天際善男子此如來略說身施檀波羅蜜

寶施品第二十五

復次善男子從彼已後億無量劫時此佛刹名月眼亦復五濁我於此闍浮提爲強力轉輪王名燈明以如是善勸化闍浮提一切衆生如前所說我時出遊觀園見有一人反縛兩臂極爲急切卽問諸臣此人

何罪諸臣答言此犯王法敢是天民歲田常課六分
 輪一此人違命又居王境種植自濟賦斂不順是以
 繫身卽告諸臣速放斯人儲糧酥油勿苦索之臣答
 王言終無有人能以善心輸王諸物所可日日給王
 夫人及諸眷屬厨供所須皆從民出自非王力終不
 可得未有一人好心與者我時愁憂卽自思惟此一
 切聞浮提王位今當付誰時我有子五百人皆勸以
 菩提我卽分此間浮提爲五百分用與諸子卽捨詣
 林求仙梵行南近大海優曇波羅林中坐禪食果草
 根用濟身命漸漸不久得具五通爾時間浮提有五
 百商人入海採寶獲衆寶聚其中商主名宿王以福
 力故得如意摩尼從彼寶洲多取衆珍寶及與摩尼
 始發引時海水波涌諸龍惱亂海神啼泣中有龍仙
 名馬寶藏是菩薩以本願故生於其中彼摩訶薩擁
 護商客安隱度海自還所住隨彼商客有惡羅刹恒
 逐於後伺求其便彼於晝夜放暴風雨使諸商人迷
 失徑路不知所趣極甚恐怖發大音聲啼嘆悲泣求
 諸天神風神水神乃至稱喚父母所愛兒息爾時我
 以天耳聞彼音聲卽往慰喻汝等商人勿得恐怖我
 當示導汝等徑路令汝安隱至間浮提我卽以繪而

經

大藏書分冊目錄

卷

第十一

自纏手內著油中以火然之發至誠言我於林中三
 十六年遊四梵處爲益衆生故食衆果實及諸草根
 既化八萬四千龍夜又令住不退轉阿耨多羅三藐
 三菩提以是善根業報令我手然使此商人得道安
 隱至閻浮提如是手然經七日七夜彼諸商人安隱
 還到於閻浮提我於彼時卽自立願如此閻浮提之
 諸珍寶若我得成阿耨多羅三藐三菩提是意滿者
 令我得爲商主採如意珠於一一方七反雨種種衆
 寶之雨於此佛土一切方中如是於十方恒河沙數
 五濁空佛土中如前所說我如是意皆已得滿於恒

河沙數大劫中爲無上商主於恒河沙數五濁空佛
 土中雨於衆寶一一方中七反雨種種衆寶之雨以
 如是隨意充足無量阿僧祇衆生令住三乘善男子
 汝觀如來寶施善根相好果報

醫方施品第二十六

復次善男子竟無量劫時此佛土名曰朦昧劫名喜
 慢亦復五濁五萬歲世人中我以本願故於此閻浮
 提爲婆羅門名曰曼香通四禪陀爾時衆生常見極
 重樂怨嫉好鬪諍我以勇猛力爲衆生說法示陰如
 怨入如空聚因緣相續生滅現阿那波那念思惟勸

經

大藏書分冊目錄

卷

第十一

發阿耨多羅三藐三菩提心善根廻向皆悉住中我
 自得五通爾時無量阿僧祇衆生以我教授亦得五
 通如是無量阿僧祇衆生捨諸怨嫉種種鬪諍往詣
 園林食衆果實及諸草根坐禪思惟遊四梵處日夜
 無諍劫欲盡時堪受供人滿闇浮提以是滅除鬪諍
 怨嫉非時風雨地生五穀皆悉香美食增氣力以劫
 惡故衆生種種諸病所困我卽思惟若我不能除此
 衆生諸疾病者令我不逮阿耨多羅三藐三菩提不
 能得除衆生結病我當以何方便除衆生病復生是
 念我宜集釋梵護世諸餘天仙龍仙夜又仙人仙爲
 饒益衆生故造現方藥我卽以神足往告釋梵護世
 天仙龍仙夜又仙人仙有山名億迦毗羅鉢帝來集
 其山頂石鞞陀遮羅迦大醫之處於中造說治風水
 火諸大病方令無量阿僧祇衆生病盡除滅我於其
 中立願如是我今以此慧照明無量阿僧祇衆生令
 住三乘閉惡趣門置天道中滅除衆病如是爲無量
 阿僧祇衆生而作慧明置安隱樂以是善根業報願
 我是意得滿如此一方閉無量阿僧祇衆生惡趣門
 置天道中爲疾病故集諸天衆仙衆夜叉衆龍衆爲
 衆生故集鞞陀遮羅迦山頂衆醫集處說除衆病平

經

大乘大悲分陀利經卷第七

三

第七

健方藥如是朦昧佛土一切方中作如是丈夫行安
置衆生於天道中如是集天龍夜叉人仙爲衆生故
造說種種呪術如此朦昧佛土當於十方恒河沙數
五濁空佛土中作如是丈夫行令衆生得住三乘安
置天道現諸種種呪術於世除衆疾善男子我以
如是滿無上意又復於此朦昧佛土一切方中作如
是丈夫行如所立願亦以無上於十方恒河沙數五
濁空佛土一一佛利一切方中作如是丈夫行如我
本所立願善男子觀如來勝慧行菩提行是如來三
善護持善根種

大乘大悲分陀利經卷第七

音釋

憺怕

憺徒覽切怕白各

怯

闇

楚語具云怯闇尼此
云不正食怯丘伽切

闇音

辟

蒲

計脆此芮切物

挑

吐渴切

剥

易斷也北角切

蛇而振切

八

駁

徒濫切

輸

式朱切

儲

直魚切

伺

偵

利

候

胡刀切

大呼也

鬪

丁候切

競爭也

大乘大悲分陀利經卷七
計字八千二百四
十該銀三兩七錢零八厘
天啓歲次丙寅孟春吉日吳江接待寺譲

大乘大悲分陀利經卷第八

失譯師名附秦錄

現伏藏施品第二十七

又於好時過阿僧祇劫時此佛土名曰除穢於饒益
大劫亦復五濁於東方第五十四天下閻浮提名曰
帝倒我爲度衆生故於其中生爲四天下轉輪聖王
名曰虛空我於彼中以十善業教化衆生勸以三乘
令住其中又一切施一切處施有來求索種種珍寶
金銀瑠璃玉紺大紺明月水精隨其施與珍寶轉增
我問諸臣從何所因得此衆寶諸臣答言諸大龍王

開示伏藏伏藏現故世饒珍寶彼雖現伏藏不及從
 王求寶者多我卽立願若我於彼五濁惡世結使極
 重百歲人中得成阿耨多羅三藐三菩提是意滿者
 令我於此佛土得爲龍王名現伏藏於除穢佛土一
 切方中各七反受龍身於一身示現億那山他百
 千伏藏滿中衆寶金銀乃至玉紺大紺明月水精持
 用施與一一伏藏縱廣千由旬如是衆寶充滿其中
 開發施與一切衆生如此佛土立勇健事如是十方
 恒河沙數五濁空世界中於諸刹土一切方中各七
 反受身如前所說善男子如我立是願應時億那由
 他百千諸天於虛空中雨衆妙華讚言善哉善哉一
 切施如所立願意必得滿時諸大衆普聞是聲天於
 空中爲王改號名一切施諸人聞已卽生是念我等
 應從求其難捨彼若與者名一切施若不與者非一
 切施彼諸衆生卽來從王乞宮人正后男女時虛空
 王以歡喜心皆悉施與彼諸人等復生是念妻子施
 與猶未爲難我等今應從乞支節若能與者名一切
 施若不與者非一切施時有人敬持雞戒名爲月光
 至虛空王前白言大王若一切施者此一切闍浮提
 可以施我王聞語已欣然大悅卽浴以香湯著王者

之服立爲一切闍浮提王尋卽立願如是今日捨此
 闍浮提王位爲滿阿耨多羅三藐三菩提意故今立
 王願令一切悉皆伏從增壽無窮究竟得爲大轉輪
 王如我今日王位與之願成阿耨多羅三藐三菩提
 時受其次後阿耨多羅三藐三菩提補處職記復有
 婆羅門名曰盧遮來乞兩足我以好心手執利刀自
 截兩足持用施之尋立大願令我得成無上戒足復
 有婆羅門名陀吒波來乞兩眼自挑與之尋卽立願
 今以是施令我得無上五眼復有婆羅門名曰堅紅
 來乞兩耳自割與之卽便立願我以是施得無上智
 耳復有一邪命名曰逸林來乞男形自截與之我尋
 卽立願今以是施令得無上陰藏之相復有來乞肉
 血我卽與之尋卽立願以是施報得金色相復有波
 利婆羅闍迦名曰日味來乞兩手我自截左手令人
 截右手而與之尋卽立願願得果成無上信手如我
 截身支節流血塗體卽復立願我以是施得滿阿耨
 多羅三藐三菩提意者令我必得付此身處時彼無
 有聖智群臣諸小國王不識重恩衆共議言王甚愚
 癡無少慧分傷損支節不顧王位譬如肉聚何用斯
 爲今應放棄卽便攝我擲置城外丘曠之處捨已還

歸我於彼中蚩蠅蚊蚋狐狼鳥鷺來食者我以好心
 尋卽立願如今捨此一切王位支節施與一心念頃
 不生恨想亦無悔心令是意滿願我此身變成肉山
 其有衆生食肉血者令彼盡來服吾血肉彼旣來食
 以本願故令吾此身日得生長漸漸轉增高千由旬
 縱廣正等五百由旬於千年中以身血肉充足衆生
 於中施舌禽獸來食以本願故尋卽還復但舌施與
 如耆闍崛山卽立願言令我常得無上廣長舌相於
 中命終以本願故還生啼列闍浮提龍中名現伏藏
 龍王所可生夜卽現億那虫他百千伏藏現衆寶積
 滿所謂金銀乃至水精咄汝衆生應修十善業發阿
 摩多羅三藐三菩提心若發聲聞乘心若發辟支佛
 乘心隨意所欲可往取寶於彼啼列闍浮提七反爲
 龍經七十七億那由他百千歲中現無量阿僧祇伏
 藏施與衆生其中如是勸無量阿僧祇衆生令住三
 乘修十善業以種種衆寶充足衆生尋卽立願令得
 無上三十二相如是於二天下七反爲龍立是丈夫
 行如是三天下乃至遍餘穢世界一切方中立是丈夫
 行如是於十方恒河沙數五濁空佛刹中於此諸
 利一切方中皆各如是七反爲龍經七十七億那由

他百千歲中以無量阿僧祇伏藏施與衆生如前所說善男子觀如來菩提行如來極精進力爲具三十三相行菩提行非先菩薩能如此極力行菩提行今亦無有後來亦無菩薩能如斯極力行阿耨多羅三藐三菩提行除彼八人我先說者過阿僧祇劫於餘好時此佛土名珊瑚井亦空五濁蓮華大劫中時我爲是四天下釋名曰等照我見斯闍浮提衆生不求戒行見已卽自變形爲惡夜叉甚可怖畏下此闍浮提人前住彼見我已甚大怖畏而問我言欲求何等我言須食不用餘物便速辦之彼言欲得何食我言唯食人肉不用異物若盡形壽能斷殺生乃至邪見發阿耨多羅三藐三菩提心若辟支佛乘心若聲聞乘心能作是行者吾不食也現作化人而取食之彼衆生見已極生恐怖彼盡形壽斷殺偷盜乃至邪見有發阿耨多羅三藐三菩提心有發辟支佛乘心有發聲聞乘心令此一切四天下衆生修十善業得住三乘我於中立願若我阿耨多羅三藐三菩提意得滿是願得滿願者如使此四天下衆生得住善道於是於此佛刹一切四天下現如是恐怖令修十善道業安置三乘復於十方五濁空佛土中乃至令修十

善業安置三乘善男子我如是意願盡滿如此遍珊瑚世界中以夜叉形調伏世人置善法中如是十方恒河沙數五濁空佛刹中以夜叉形調伏世人置善道行以我恐逼衆生住善行故以是殘業令我欲成菩提坐金剛座菩提樹下魔王波旬將大兵衆來恐怖我作菩提礙善男子此是我略說檀波羅蜜行菩提行未得深忍深陀羅尼深三昧除先二身得世五通如是立大丈夫行如是勸化無量阿僧祇衆生令住阿耨多羅三藐三菩提勸化無量阿僧祇衆生得住辟支佛乘勸化無量阿僧祇衆生得住聲聞乘除我行菩提時親近佛刹微塵數諸佛一一佛所得如海水滴功德我供養過數辟支佛供養過數如來聲聞如是供養父母五通仙人如我先行菩薩行憐愍衆生以身肉血而充足之彼時憐愍今阿羅漢所無有也

菩薩集品第二十七

善男子如我以佛眼觀見十方佛刹微塵數諸佛世尊已般涅槃彼皆是我勸化阿耨多羅三藐三菩提令住中者亦是我初勸檀波羅蜜乃至般若波羅蜜令住中者乃至當來亦如是說又見東方現在住世

無量阿僧祇諸佛世尊轉正法輪爲衆說法亦是我初勸發阿耨多羅三藐三菩提心令住中者乃至六波羅蜜亦如是說南西北方及與上下亦如是說善男子我見東方去此佛土過八十九百千佛刹有世界名華敷佛名無垢德明王如來現在住世爲衆說法彼世尊是我初勸發阿耨多羅三藐三菩提心亦是初勸檀波羅蜜乃至般若波羅蜜令住中者略說東方有樂喜刹佛名阿閦有紫摩利佛名日藏有樂自在刹佛名樂自在月明有日沒刹佛名智日有勝息刹佛名龍雷有等林刹佛名金剛稱有自王刹佛名虎兜有無樂刹佛名日藏有照怨刹佛名稱自在有彌樓光刹佛名不思議王有衆護刹佛名月德藏有華光刹佛名音勝光有安上刹佛名現安自在彌樓有持主刹佛名智像有雜華刹佛名無垢眼善男子我以佛眼觀見東方如是等無量阿僧祇諸佛世尊現在說法彼未發菩提心我初勸於阿耨多羅三藐三菩提令住其中是我初勸檀波羅蜜乃至令住般若波羅蜜是我先所將至現在住世諸佛世尊所初得受阿耨多羅三藐三菩提記者說是語時華敷世界無垢德明王如來座動其中菩薩見無垢德明

王如來座動卽白佛言唯世尊何因何緣如來座動
 我等初未曾見彼佛告言善男子等西方去此佛刹
 過八十九百千佛土有世界名娑訶其佛號釋迦牟
 尼如來今現在爲四衆說本事法彼如來先爲菩薩
 行菩提行時初勸化我於阿耨多羅三藐三菩提令
 我初發阿耨多羅三藐三菩提心彼如來先爲菩薩
 行菩提行時初勸我行檀波羅蜜乃至般若波羅蜜
 得住其中又彼如來先爲菩薩行菩提行時初將我
 至諸佛世尊所令得受阿耨多羅三藐三菩提記彼
 釋迦牟尼如來是我善知識現在娑訶世界爲四衆
 說是本事法以彼如來威德力故使我座動諸善男
 子汝等誰能詣彼娑訶佛土如我辭曰敬問釋迦牟
 尼如來少病少惱安樂住不彼諸菩薩白無垢德明
 王如來言世尊此華敷刹中菩薩摩訶薩神通具足
 皆度諸菩薩功德岸於今食時見大光明此諸瑞應
 從異利來地數大動雨衆妙華彼諸菩薩摩訶薩復
 白佛言世尊我等欲往彼娑訶世界奉見恭敬親近
 釋迦牟尼如來又欲聽入一切種智行陀羅尼門彼
 多百千菩薩以自神力欲發彼土我等不知娑訶世
 界釋迦牟尼如來佛土爲在何處時彼無垢德明王

如來尋卽伸臂從五指端出種種光彼諸光明徹照
 八十九百千佛土乃至照此娑訶世界彼諸菩薩普
 見此娑訶世界菩薩充滿天龍夜叉阿修羅遍滿虛
 空見已彼諸菩薩重白無垢德明王如來言世尊我
 等見娑訶佛土一切菩薩充滿其中無有少地可容
 杖處又見彼釋迦牟尼如來唯視我等爲我說法時
 彼無垢德明王如來告諸菩薩言善男子等彼釋迦
 牟尼如來所視普等善男子於娑訶世界住地衆生
 在虛空者彼一一皆如是知釋迦牟尼如來唯獨視
 我爲我說法善男子彼釋迦牟尼如來以其一身現
 一切形而爲說法彼佛土中其有衆生事梵天者彼
 見釋迦牟尼如來梵天形聞大梵音而爲說法乃至
 事魔事釋事日事月事毗沙門事毗留勒伽事毗留
 波叉事提陀羅尼吒有事摩醯首羅天者彼見釋迦
 牟尼如來摩醯首羅形聞摩醯首羅音而爲說法乃
 至其中衆生有事八萬四千種處者彼如所事見釋
 迦牟尼如來聞法亦爾彼大衆中有二菩薩一名羅
 潘象二名月光時彼無垢德明王如來告二菩薩言
 汝等善男子可至娑訶世界如我辭曰敬問釋迦牟
 尼如來少病少惱安樂住不彼菩薩白佛言世尊我

等見彼一切娑訶佛土地上虛空皆悉充塞乃至無有容一人處我等何住時無垢德明王如來答言善男子等莫作是說娑訶佛土無有住處彼釋迦牟尼如來處所極廣具不可思議佛之功德彼如來以本願故憐愍儀法所容甚廣說三歸依三乘說法說種種戒現三脫門於三惡趣拔濟衆生爲度衆生於中石山帝眼夜叉宮住娑羅窟一結跏趺坐七日無靜受解脫喜樂其如來身滿娑羅窟乃無四指空處如來之身所不遍者竟七日時於十方有十二那由他菩薩摩訶薩至彼娑訶世界住彼山前咸欲奉見恭敬親近釋迦牟尼如來又欲聽法善男子時釋迦牟尼如來爲彼大衆卽現神通令娑羅窟極大寬博彼十二那由他菩薩入娑羅窟中猶見寬博彼一一菩薩以種種菩薩神通供養如來已唯善男子彼釋迦牟尼如來住處所容廣博如是彼諸菩薩從釋迦牟尼佛所聞說已頭面禮足右繞三匝各還本土彼諸菩薩發去未久彼娑羅窟還復如故其中有四天下釋名橋尸迦觀命將終應墮畜生極大恐怖與八萬四千三十三天俱詣娑羅窟向世尊所近帝眼夜又宮娑羅窟前住承佛威神卽生是念我今應請般遮

大藏書影本
大藏書影本
大藏書影本

卷八

飾乾闥婆子以彼妙音歌歎世尊可令世尊從三昧起時彼帝釋往請般遮飾乾闥婆子時般遮飾執琴而來承佛威神以柔軟音五百偈讚彈琴歌詠歎於世尊善男子如般遮飾讚歎世尊應時彼釋迦牟尼如來入無聲勝明三昧令此一切娑訶世界諸大威德夜叉羅刹阿修羅迦樓羅緊那羅乾闥婆欲界色界一切諸天皆悉來集其中樂音詠者彼聞詠音生大歡喜樂讚誦者彼聞讚辭於世尊所生希有心歡喜恭敬樂琴音者彼聞琴音亦大歡喜時彼釋迦牟尼如來從三昧起現娑羅窟時帝釋卽前問世尊言我坐何處彼釋迦牟尼如來告言汝等夜叉所共來者今可入此娑羅窟坐時窟寬博十二恒河沙數大衆入彼窟坐時釋迦牟尼如來爲彼大衆說如是法衆中有求聲聞乘者彼解說聲聞乘九十億衆生於中得須陀洹果有求辟支佛乘者彼得解說辟支佛乘有求無上佛乘者彼純解說無上大乘般遮飾乾闥婆子等十八那由他衆生得住不退轉阿耨多羅三藐三菩提其中未起三乘心者有發阿耨多羅三藐三菩提心有發辟支佛乘心有發聲聞乘心彼憍尸釋卽離恐怖增壽千年得須陀洹果善男子彼釋

迦牟尼如來所容寬博如是彼如來音輪亦復寬博無有人能筭數如來音輪邊際彼如來方便廣博勸導衆生無有人能知彼如來方便邊際善男子彼如來身甚爲高廣無能見頂知身際者如今於彼娑訶佛刹衆生雲集若彼一切入釋迦牟尼如來腹中皆悉容受彼如來腹亦不增減彼諸衆生不能得彼如來腹之邊際又彼衆生同時和合入彼如來腹中又復不還出亦不增減欲尋如來一毛孔際無能得者乃至天眼所不能知彼釋迦牟尼如來身所容受如是寬博復次善男子彼釋迦牟尼如來佛土甚大寬博善男子又於十方恒河沙數諸佛刹中衆生充滿如今娑訶佛刹若彼衆生今盡來入娑訶佛土者皆悉容受所以者何以彼如來先初發阿耨多羅三藐三菩提心立誓願故善男子置此一恒河沙數世界乃至十方千恒河沙數諸佛土中衆生如是充滿如今娑訶佛土衆生充塞若彼一切今入娑訶世界皆悉容受是彼如來先初發心求無上智立如是願善男子彼釋迦牟尼如來佛土所知如是寬博以是四法故彼釋迦牟尼如來勝諸如來善男子汝等持此月樂無垢華如已所見往至西方娑訶佛刹如

90123456789

200

1

2

220

我辭曰敬問釋迦牟尼如來少病少惱安樂住不時彼無垢德明王如來以月樂無垢華與羅潘象菩薩月光菩薩與已告言汝善男子承我神力詣娑訶世界彼中二萬衆生同聲白佛言唯世尊我等亦承如來神力詣娑訶世界奉見恭敬親近釋迦牟尼如來時彼無垢德明王如來告言善男子等隨意可往彼二菩薩羅潘象月光與二萬菩薩俱承彼無垢德明王如來神力發華敷世界如一念頃至此娑訶佛刹詣者闍崛山叉手合掌白釋迦牟尼如來言世尊東方去此過八十九百千佛刹有世界名華敷其佛號無垢德明王如來彼佛於菩薩大衆中稱譽如來功德作如是言娑訶刹中有佛號釋迦牟尼如來今現在彼如來先爲菩薩行菩提行時初發化我於阿耨多羅三藐三菩提令住其中我隨彼語發阿耨多羅三藐三菩提心彼如來先爲菩薩時初勸我住檀波羅密乃至如前所說彼釋迦牟尼如來以是四法勝諸如來彼如來遣此月樂無垢華致問少病少惱安樂住不如是樂喜刹中阿閦如來座動其諸菩薩在會中者見阿閦如來座動尋卽發問略如前說於一切處亦如是說爾時東方無量阿僧祇如來使菩薩

各持月樂無垢華至此娑訶佛刹奉見致問釋迦牟尼如來供養恭敬親近聽法爾時世尊適稱東方世界名字諸佛號已又復欲稱南方而作是言善男子我見南方去此佛土過一恒河沙數佛刹有世界名除一切憂惱其佛號無惱德如來現在說法我先行菩薩行時初勸彼佛於阿耨多羅三藐三菩提乃至如前所說闍浮提光刹中法自在雷佛彌樓安利中至自在堅帝佛德莊嚴帝刹中師子奮迅王佛珠冠莊嚴刹中那羅延伏藏佛放光遍覆刹中寶集功德齋迅佛天樂刹中明藏佛栴檀根刹中星宿稱佛香聞刹中福力娑羅王佛善解刹中柔軟雷音聲佛閑居刹中娑羅稱帝王佛雷是刹中自在明照佛雲雷刹中柔音聲佛分寶刹中寶掌龍佛波羅摩寶樹刹中法雲月明自在佛略如前說南方如是無量阿僧祇諸佛座動彼諸佛世尊皆稱譽讚歎釋迦牟尼如來爾時南方乃至無量阿僧祇如來遣菩薩持月樂無垢華至此娑訶佛刹敬問釋迦牟尼如來乃至聽法爾時世尊復作是言善男子我見西方去此國土過九十七那由他百千佛刹有世界名寂靜其佛號寶山如來今現住世爲衆說法我本行菩薩行時初

勸彼佛於阿耨多羅三藐三菩提乃至如前說略說
 佛號其名曰妙光藏佛音智藏佛廣稱佛普藏佛梵
 菩薩掌超越佛法燈明佛無等辭佛樂高音佛流布
 王佛梵帝聲佛皆如前說如是西方無量阿僧祇諸
 佛世尊所可釋迦牟尼如來稱其名者彼座皆動爾
 時西方無量阿僧祇佛遣菩薩持月樂無垢華至此
 娑訶佛刹至已各坐聽法略說如是北方上下東南
 西西南西北皆亦如上說時釋迦牟尼如來又欲說東
 北方而作是言善男子我見東北方去此佛國過九
 十八億那由他百千佛土有世界名無塵其佛號除
 憂惱踊上廣聞娑羅王如來我本爲菩薩行菩提行
 時初勸彼如來於阿耨多羅三藐三菩提令住六波
 羅蜜我初將彼至諸佛所令彼得受阿耨多羅三藐
 三菩提記如所稱名彼座皆動乃至說衆生八萬四
 千種處隨事聞音見釋迦牟尼如來聞如是法彼衆
 中有二菩薩一名山蜜二名等樂趣時彼除憂惱踊
 上廣聞娑羅王如來告彼二菩薩言汝等善男子往
 彼娑訶世界以我辭曰敬問釋迦牟尼如來少病少
 懨安樂住不彼白佛言世尊我等見彼娑訶佛刹地
 及虛空皆悉充滿乃至無有容一人處我等何住彼

如來言善男子莫作是說娑訶佛土無可住處善男
子彼釋迦牟尼佛如來容受寬博具不可思議佛功
德彼如來以本願故憐愍儀法所容甚廣說三歸依
三乘說法說三種戒現三脫門於三惡趣拔濟衆生
置三善道善男子彼釋迦牟尼如來成佛未久於時
爲衆生於中石山帝眼夜叉宮娑羅窟一結跏趺坐
七日無諍受解脫喜樂彼如來身滿娑羅窟其窟中
無四指空處如來之身所不滿者竟七日時於十方
十二那由他菩薩摩訶薩至彼娑訶世界住彼山前
奉見恭敬釋迦牟尼如來乃至以此四法彼釋迦牟
尼佛勝諸如來善男子汝等持此月樂無垢華如已
所見往西南方娑訶佛刹敬問釋迦牟尼如來少病
少惱安樂住不爾時除憂惱踊上廣聞娑羅王如來
以月樂無垢華與山蜜等樂趣菩薩告言善男子承
我神力至娑訶刹時有二萬人同聲白言我等亦承
如來神力詣彼娑訶佛土奉見恭敬親近釋迦牟尼
如來彼如來言諸善男子隨意可往彼二菩薩與二
萬菩薩俱承如來神力發無塵刹以一念頃至此娑
訶佛刹耆闍崛山中又手合掌白釋迦牟尼如來言
世尊東北方有佛乃至如前所說彼佛遣此月樂無

901 2 3 4 5 6 7 8 9 200

1 2 3 4 5 6 7 8 9 200

垢華敬問世尊少病少惱安樂住不如是降魔宮如來座動於中菩薩集者見彼降魔宮如來座動卽問如來所由因緣如前所說如是娑羅帝王佛大力光佛蓮華上佛旃檀彌樓王佛海此岸明佛智力佛爾時東北方如是等無量阿僧祇如來各遣二菩薩持月樂無垢華至此娑訶佛土奉見敬問釋迦牟尼如來供養恭敬親近聽法

入三昧門品第二十九

爾時一切衆生集此娑訶佛刹者釋迦牟尼如來以神通力令一一衆生身如芥子如是衆生遍滿毘塞娑訶佛刹地及虛空衆生充滿乃至無容毫髮之處彼諸衆生各不相見唯覩虛空又諸石山須彌鐵圍大鐵圍山障山上至諸天宮下至金輪悉無障蔽衆生之眼唯見釋迦牟尼如來入遍虛空法無斷滅三昧爾時如來內一切月樂無垢華諸毛孔中是諸衆生集娑訶世界者皆悉得見彼諸衆生捨思惟觀佛色身心皆觀如來毛孔見毛孔中諸有園池種種寶樹種種華果枝葉茂盛種種頭舍種種衣服種種幡蓋幢麾枳由羅真珠瓔珞以莊嚴樹譬如安樂世界園林茂盛時諸衆生皆作是念我今宜往觀於園林

時集此娑訶世界一切衆生從如來身毛孔入而坐
 其中唯除在地獄餓鬼畜生及無色天爾時世尊還
 攝神通其諸衆生各得相見卽相問言釋迦牟尼如
 來今在何處時彌勒菩薩普告大衆言咄汝衆生皆
 當應知我等今者盡皆集如來腹中彼皆各各見其
 如來身相內外然後乃知集在如來腹中彼皆生念
 我等云何入如來腹誰持我等置如來腹中爾時彌
 勒菩薩卽以高聲告大衆汝等當聽此非餘力是如
 來神通變化爲饒益我等故世尊今當說法汝等一
 心諦聽善思念之時諸大衆又手合掌瞻仰世尊爾
 時如來卽說一切法門行經何謂一切法門行經謂
 度生死淵入八聖道滿足一切種智自然智中有十
 事一者至意發心迴向解脫二者於一切衆生發大
 悲心三者以饒益攝一切衆生四者未度者度如大
 船師五者未解者解諸顛倒六者大師子吼驚動一
 切衆生使觀無我法七者遊諸世界覺一切法如幻
 夢影八者莊嚴光飾一切世界淨戒身力九者成辦
 如來十力滿一切波羅蜜十者爲具四無畏如說修
 行爲得十八不共法無餘菩薩如所聞法皆悉修行
 除世愚惑是名十事一切法門行經知至無相行門

思惟一切法無我心無生滅是不退不轉不斷不常
 無捨無證說是法時八十億恒河沙數衆生卽於如
 來腹中得不退轉阿耨多羅三藐三菩提於中過數
 菩薩摩訶薩得種種三昧陀羅尼忍辱時彼一切還
 從如來身毛孔出於如來所得未曾有頂禮如來足
 已各還十方至其本土東方菩薩誠欲推尋釋迦牟
 尼如來音輪身相彼東方菩薩展轉乃至東方過無
 量阿僧祇佛土猶故不盡釋迦牟尼佛如來音輪之
 聲於彼聞如是音文字句義皆悉備足猶如釋迦牟
 尼如來前坐聽法無異於彼一切亦不能知釋迦牟
 尼如來身之增減彼在所至處見釋迦牟尼如來身
 現在前又見無量阿僧祇菩薩聲聞在釋迦牟尼如
 來身一毛孔中出入無礙一一毛孔亦如是乃至見
 一切毛孔中衆生出入亦復如是於十方亦如是說
 爾時大衆在如來腹者皆從如來毛孔出已頭面頂
 禮世尊足繞佛三匝住如來前以衆妙偈句義備足
 同時讚歎稱譽如來爾時欲色界諸天於虛空中兩
 衆妙華華鬘塗香作天妓樂懸諸天繒旛蓋幢麾衣
 服頭舍真珠瓔珞供養如來

囑累品第三十

901 1 2 3 4 5 6 7 8 9

200

1 2 3 4 5 6 7 8 9

200

1 2 3 4 5 6 7 8 9

200

爾時有菩薩名無畏等持叉手合掌前白佛言唯世
尊此大授記當名何經云何受持佛言一名入一切
種智行陀羅尼門二名諸佛之藏三名多集四名授
菩薩記五名入無畏道六名入諸三昧七名現諸佛
土八名如大海九名過數十名大悲分陀利重白佛
言唯世尊若善男子善女人受持誦讀此經爲他人
說乃至一四句偈得幾所福佛言此經功德吾先已
說今當爲汝略說若有善男子善女人受持是經讀
誦書寫爲他人說乃至一四句偈是人得福過於菩
薩十大劫中具行六波羅密者所以者何此經能滅
除諸天世人梵魔沙門婆羅門衆夜叉羅刹龍乾闥
婆鳩槃茶餓鬼毗舍遮緊那羅阿修羅等諸惡心故
又能除滅一切諸病鬪諍怨嫉又能除滅非時惡風
霜雹暴雨又能除滅疾疫饑饉能令安隱常得豐樂
令人強健集會歡喜不相順者能令和合有恐怖者
施無畏樂能滅結使增長善根能三惡趣脫諸苦際
又能示現三乘妙道能令人得三昧陀羅尼忍辱能
饒益一切衆生能坐金剛座能破四魔能覺助菩提
能轉法輪之聖七財衆生能以菩提法令得富足我
欲令多衆生入無畏城故演說是法今我是法當付

經

大藏大悲分陀利經卷第八

囑誰誰能於後惡世之中宣布是法令於諸方不退轉菩薩皆得聞知令除衆生染著非法貪著榮利處邪見法無果報心皆悉除滅爾時一切大衆知如來心衆坐有一夜叉仙名那彌樓弗沙時彌勒菩薩摩訶薩手執那彌樓弗沙臂將至世尊所佛言汝大仙受持是法乃至於後惡世之時廣宣流布令諸方不退轉菩薩皆悉聞知有得聞者住不退轉心彼白佛言唯然世尊我以本願爲夜叉仙過八萬四千大劫於行菩提行我以勸過數衆生遊四梵處住不退轉地世尊其有衆生於後惡世能受持書寫讀誦此經乃至爲他人說一四句偈我當身自擁護令彼法師無能憚者佛說是經已時諸大衆天龍乾闥婆阿修羅世人聞經歡喜作禮而去

大乘大悲分陀利經卷第八

音釋

廣苦謗切
龜也

蚩莫耕切
蠅余陵切

狐狐戶吳切
狼切狼魯堂

鷺疾餽切
都計切

涕點也
兕序姊切似牛
𡇱初力切
遇遮也

大乘大悲分陀利經卷八 計字八千一百十
五箇該銀三兩六五分
天啓歲次丙寅孟春吉日吳江接待寺識

善思童子經卷上

隋三藏法師闍那崛多譯

如是我聞一時婆伽婆住毗耶離城在菴婆羅波梨園內與諸聲聞八千比丘一萬菩薩如是大眾一切悉皆變化形服作諸天身爾時世尊於晨朝時著衣持鉢將此化衆前後圍繞入毗耶離大城之中次第乞食漸漸行至毗摩羅詰離車之家當於是時毗摩羅詰離車家內有一童子名曰善思是時善思在於自家重閣之上嫗母抱持時彼童子手中秉執一莖蓮華玩弄嬉戲而彼童子以其宿植衆善所熏又佛

世尊神通力故令此童子忽然以偈白其嫗母作如是言

今有響微妙 翳諸音樂聲 願嫗放我身
 捨置於樓上 而此光明照 決是大丈夫
 右足跨於闇 欲入此城門 微妙令意喜
 諸鳥鳴喚聲 我耳未曾聞 諸鳥如是唱
 決定是調御 爲利益世間 右足跨於闇
 欲入此城門 如服諸瓔珞 徧體振鳴聲
 其響妙鏗鏘 聞者皆歡喜 決定千輪足
 威福莊嚴身 右足跨於闇 欲入此城門
 猶彼大地震 亦如打銅鐘 諸如是等聲
 無有不聞者 決定彼人日 大聖之身光
 欲入此大城 令衆生無畏 如諸林樹木
 種種華莊嚴 各聞微妙香 衆生隨所樂
 決定善安住 與願大龍王 右足跨於闇
 欲入此城門 如虛空光照 大地普皆明
 日彩曠不彰 此世尊金色 決定喜觀察
 大威放燄光 右足跨於闇 欲入此城門
 阿嫗今觀此 天衆在虛空 歡喜歌嘯聲
 弄諸衣服等 決定利益世 最勝諸衆生

經

卷之三

取九

右足跨於闡 欲入此城門 今此大城內

相向起慈心 各各共歡喜 如父母愛子

決定大福聚 衆德莊嚴身 右足跨於闡

欲入此城門 又男夫婦女 將種種香華

滿掬四面飄 心生大歡喜 決定大自在

福德華莊嚴 右足跨於闡 欲入此城門

天人華所散 悉徧滿虛空 處處雨衆香

微妙甚可喜 決定世善逝 大智慧入城

爲利益衆生 所以今來到

大聖文真身

爾時善思懷抱嫋母聞其童子自口所說如此偈已
 心生恐怖身毛悉豎支節顫掉不能自持安彼童子
 於樓閣上置已卽作如是思惟此子何也爲天爲龍
 爲是夜又爲是羅刹爲鳩槃茶爲毗舍遮爲緊那羅
 或復爲是摩訶羅伽如此之言非是世間嬰孩所說
 時彼嫋母卽一定住不敢動移亦不起行不敢大語
 細喘低頭默然察聽爾時世尊漸漸行近善思離車
 童子之家入彼街巷至於其家門前止住而是善思
 離車童子遙見世尊在於閣下見已卽便從高樓上
 投身向佛是時善思離車童子以佛神力在於空中
 寂然而住卽以偈頌而白佛言

世尊住智中 最勝者住此 利諸衆生故
願受我蓮華

爾時世尊卽還以偈報於善思離車童子作如是言
童子我所住實際 非衆生境界 彼際無所有
是際如實相

爾時世尊說是語已離車童子復更以偈而白佛言
世尊云何住 於此真實際 此際旣無有
無有何所住

爾時善思離車童子說是語已佛復以偈而更報言
如際實際者 彼際是如來 如彼實際住
我住彼亦然 如實際諸佛 其體一無殊
如彼真實際 我作如是住

爾時世尊說是語已善思童子復更以偈重白佛言
非際非非際 此際有何相 作何等方便
得名爲實相

爾時善思離車童子說是語已佛復以偈而更報言
不可執實際 故言爲實際 彼際如虛空
虛空亦無相

爾時世尊說是語已善思童子還更以偈白於佛言
希有真實處 住處最上住 願衆生住此

經

如諸佛所住

爾時善思離車童子說此偈已一心合掌而白佛言
 惟願世尊慈愍我故受此蓮華爾時世尊爲欲憐愍
 善思離車孩童子故受彼蓮華佛受華已是時善思
 離車童子歡喜踊躍發是願言籍此善根我於來世
 若當證得阿耨多羅三藐三菩提已如今世尊爲於
 一切衆生說法然其法中諸凡夫法及阿羅漢一切
 聖法皆不可得爾時長老舍利弗同在集會聞是語
 已於大衆中卽問善思離車童子作如是言離車童
子汝向所言我當證彼如是法已爲諸衆生說於彼
 法云何說法彼法云何爾時善思離車童子卽以偈
 答舍利弗言

彼法無有佛 及諸聲聞等 我當證是法
 爲諸衆生說 彼法無處所 亦復無去來
 智者如是知 法之本體性 過去一切佛
 現在無上尊 無不如是知 入無餘寂滅
 彼中無法界 衆生界亦無 如是之邊際
 世間無入者 法界唯名字 字從分別生
 分別無分別 究竟不可得

爾時長老富樓那彌多羅尼子卽於衆中還以偈問

90123456789

201

201

201

201

善思童子作如是言

童子汝云何 能學解此法

甚深無譬喻

諸智者所迷 汝今身未行 已作如是辯

能對最第一 智慧大聲聞 汝體如真金

徧皆巧知解 顯赫此城巷 如月處虛空

爾時善思離車童子卽還以偈答於長老富樓那彌多羅尼子作如是言

尊者今言生 此生無有處 諸法無生故

當生此是何 諸法旣無生 何者名真體

此我說本性 一切諸法無 法及法本性

二俱不可得 二旣不可得 此法諸佛說

是名最上輪 鹿苑中前轉 虛空搗拳已

令覺多聲聞 惟鳴於法聲 衆生多詎惑

乘方便及智 當說如真實 言生及死者

是名凡夫境 此之顛倒見 富樓那未盡

生死及彼此 世間人言語 無言語法中

假以語言說

爾時長老富樓那彌多羅尼子聞此偈已歡喜稱讚
卽便白佛作如是言希有婆伽婆希有修伽陀此之
善思離車童子乃有如是甚深智慧難可度量是時

901 1 2 3 4 5 6 7 8 9 210

1 2 3 4 5 6 7 8 9 210

1 2 3 4 5 6 7 8 9 210

佛告富樓那言如是如是汝富樓那如汝所說爾時世尊問於善思離車童子作如是言善思童子汝今欲爲阿誰證於阿耨多羅三藐三菩提是時善思離車童子卽以偈頌而答佛言

佛最勝世尊 知而故问我 欲爲誰著鎧
今當真實宣 我無所爲人 亦無著鎧者

甚深上法內 無受化衆生 衆生非衆生
一切皆無有 此處不迷惑 彼名爲世尊

如是生解知 如實際常處 非一非無異
此甚深最上 我當令覺衆 彼衆生亦無

衆生體既無 彼中何有智 智慧及衆生

性畢竟非有 若能如是解 彼名世智人

爾時善思離車童子說是偈已而白佛言大聖世尊我若當來自覺了知如是法已爲諸衆生作如是說是時長老阿難比丘於大衆中卽從座起而白佛言世尊希有婆伽婆希有修伽陀此之善思離車童子乃能如是宣說甚深微妙法句不染著句無倚著句此深法中天人世間恐怖迷沒世尊如是實性甚深法中誰不欲行惟有昔於甚深法中有因緣者乃能生信爾時阿難欲重宣此義而說偈言

經
卷一
第一

七
敢力

猶如聚真金 遙觀妙顯赫 此善思童子
處在大衆中 詧如須彌山 安住於海內
如是善說法 彌覆此世間 無有及非無
善思童子說 如是彼實際 實際亦空無
汝今說此時 不曾生恐怖 善思汝如是
我云何得知

爾時善思離車童子聞是語已卽還以偈報阿難言
我已誓捨身 著此無爲鎧 無望故求道

多聞如是知

爲五欲所迷

墮於可畏獄

今見無上尊

我云何不喜

世尊大慈愍

化度諸衆生

我身不墜傷

今在佛前住

虛空及我體

此二悉是無

身及空既無

云何當畏壞

佛身及空體

真實不可分

能有此忍心

彼中無怖畏

虛空及大地

真如中悉無

我今真實知

是故無恐怖

虛空徧大地

畢竟不可得

無真無生故

真實無驚畏

虛空無有高

下處亦無有

如是法知者

彼無處可驚

爾時善思離車童子說是偈已佛卽問言善思童子
汝不畏耶是時善思卽答佛言善哉世尊我實無畏

90123456789

200

1

取大

總

總

善思童子經卷一

佛復更問善思童子汝不恐耶善思答言善哉世尊我實無恐佛復問言善思童子汝不怖耶善思答言善哉世尊我實不怖爾時世尊讚善思言善哉善哉善思離車真實善哉今乃能如是不畏不恐不怖佛因此事卽爲善思而說偈言

有有故怖生 彼有不可得 能定此忍者
彼卽近菩提 取相言衆生 而衆生無有
能如是了達 彼卽住真乘 善提無得人
而得得不得 離此得不得 恐怖心則無
若能如是知 有無皆不住 善思汝當識
此路趣菩提

爾時世尊說此偈已復告善思作如是言善思童子是故菩薩摩訶薩等若欲速疾安樂得成阿耨多羅三藐三菩提者當應須念常相樂相我相淨相及衆生相壽命養育福伽羅相此相卽是阿耨多羅三藐三菩提真正直路善思童子我於往昔發心行於菩薩行時常念此路以是義故我乘此路得至菩提然其此路無有一法而可得者此卽是我無上菩提爾時世尊欲重宣此義而說偈言

我雖說常相 其常非是有 既知無有常

經

善思童子經卷一

九

微九

即無有諍競 有著樂相者 樂亦無真實
 此是顛倒見 分別福伽羅 若知諸法真
 各各無集處 彼等不作相 命及福伽羅
 路非是菩提 非路亦復爾 我說此本性
 諸法無處所 本性及衆物 智者不分別
 善思汝當知 此路向菩提 若著如是路
 彼佛非行道 若著有相者 彼不知諸法
 亦不能乘乘 諸佛所憐愍 無有人能行
 此寂甚深處 一切處無物 彼物不可得
 既無有物故 彼樂無處生 諸樂及諸苦
 我雖說我相 此法亦無有 既無有我所
 亦復無有智 既無有智知 此卽智境界
 壽命分別有 其相畢竟空 無有言知者
 小智卽迷惑 我相及壽命 本性非是有
 本性及諸物 此愚癡境界 彼等不能近
 不思議佛乘 不聞深經典 復不讀誦持
 此經典不說 無有諸法相 我不得諸法
 說處亦復無 我昔坐道場 無一智可證
 此智我如是 菩提不可得 菩提及道場

90123456789

200

1

經

卷一

取力

此二無證者 凡夫輩分別 諸佛說諸法
此是假名字 諸佛甚深處 甚深及諸佛
此是魔境界 不聞此經典 佛世尊所說
彼等不知味 諸法利益處 菩薩行苦行
其行無知故 言佛及菩提 此二不可見
如是思惟已 妄言諸佛說 稱有諸境界
倚之而生著 既有染著處 彼等不見我
若有諸衆生 成就甚深智 彼等大唱說
諸佛不思議 是故汝善思 欲知甚深法
精勤當用心 卽知法真實 彼法實無礙
故名爲甚深 如是說之時 名爲不可得
衆生顛倒見 此非彼境界 非以禪定求
可知真實義 三昧非三昧 空中不可得
此非智境界 無智亦復然 雖令覺彼際
亦非智境界 此法從緣有 甚深卽能入
若有樂寂靜 則無有彼此 若心能信樂
正說此經處 彼非一佛邊 昔種諸善根
於多諸佛所 乃能受持此

爾時世尊說此偈已復告善思離車童子作如是言
善思童子以是義故諸大菩薩摩訶薩等一切應當

著如是鎧於世間中所有恐怖驚畏之處應於彼中
 不生驚畏恐怖之意發於此心如是著鎧是時善思
 卽白佛言大聖世尊我信如是而世間中所不信處
 爾時世尊復告善思童子有諸菩薩摩訶薩等行於
 甚深有如是相有如是瑞有如是形彼等一切諸善
 丈夫觀於世間無有諸法可優劣者既見一切諸法
 平等無有優劣如是知已而心不畏不怖不驚斷一
 切諸法如是知已而不驚不斷一切諸法如是知已
 而不怖有一切諸法如是知已而不驚無一切諸法
 如是知已而不畏聚一切諸法如是知已而不驚散一
 切諸法如是知已而不畏和合一切諸法如是知已
 而不驚不和合一切諸法如是知已而不驚不思念一
 切諸法如是知已而不驚不嫌一切諸法如是知已
 而不畏思念一切諸法如是知已而不驚不思念一
 切諸法如是知已而不畏造作一切諸法如是知已
 而不驚不造作一切諸法如是知已而不畏境界一
 切諸法如是知已而不驚非境界一切諸法如是知已
 而不畏歡喜一切諸法如是知已而不驚非歡喜一
 切諸法如是知已而不畏世諦一切諸法如是知已
 而不驚非世諦一切諸法如是知已而不畏寂靜

一切諸法如是知已而不驚非寂靜 一切諸法如是知已而不畏解 一切諸法如是知已而不驚不解 一切諸法如是知已而不畏持戒 一切諸法如是知已而不驚破戒 一切諸法如是知已而不畏明 一切諸法如是知已而不驚無明 一切諸法如是知已而不畏有名 一切諸法如是知已而不驚無名 一切諸法如是知已而不畏一切法怖如是知已而不驚一切法不怖如是知已而不畏一切法生如是知已而不驚一切法不怖如是知已而不畏一切法死如是知已而不驚一切法不死如是知已而不畏一切法菩提如是知已而不驚一切法非菩提如是知已而不畏一切法涅槃如是知已而不驚一切法非涅槃如是知已而不畏能作如是說法之時是名菩薩不畏不驚不恐怖爾時世尊說是語已欲爲善思重宣此義而說偈言

一切法無有 真如不迷惑 諸法無有故
 彼相即寂滅 諸法無優劣 此彼悉皆無
 一切法無故 真實亦復無 諸法有優劣
 此彼亦各無 諸法既悉空 則無有諍競

一切法既無 本性何有物 其性無有故
 云何有壞滅 諸法有斷耶 智者無此念
 但假有斷名 求斷處不得 欲斷一切法
 微細求覓無 毫末及衆多 諸法皆無有
 諸法無有者 此亦是言說 彼中如是無
 但有中示現 一切法無形 但有相中現
 有有及無有 一切皆假名 一切法有合
 示現不合者 真如無合故 畢竟無有物
 諸法無和合 無作無滅者 如是亦不得
 諸法各各無 諸法不可得 彼等前際無
 本際既無故 故名爲實際 一切法歡喜
 歡喜不可得 旣無有諸法 彼亦不可說
 諸法無歡喜 彼等二皆無 真如中無我
 此是甚深相 一切法無嫌 真如中無我
 真如無有故 彼無有嫌處 混槃無讚歎
 彼法不可得 諸法無有故 故名爲混槃
 諸法無名者 真如中示現 此是假名說
 是故名爲思 諸法無思者 此法無定處
 是故無衆生 此是諸法體 一切法如幻
 彼幻不可得 諸法不得故 說有爲諸行

諸法旣無爲 此彼真如體 無有諸法處
 故言無有邊 雖言有境界 境界實無有
 而凡夫所說 故名爲境界 諸境界虛妄
 故說無境界 說無有境界 是境界真相
 言一切法體 彼等無有數 彼等旣無有
 寂定汝等知 無得言有得 示現有得處
 得無得之處 示現故有得 彼處無持戒
 及破戒亦無 無行及無戒 如是諸法相
 一切法悉無 故名爲無明 無有諸法故
 汝當知是明 諸法名字者 彼名實無有
 旣無有名相 當知是涅槃 說有受名者
 以受故是現 是處無有受 故言受示現
 無有爲有相 示現名爲有 諸法中離有
 故言常無有 如見幻化已 愚癡言有相
 有有無有知 是處智無惑 法生處不知
 此二不可得 愚癡人故言 說此爲生處
 諸法若有生 應說當有死 生處及死處
 此二不可得 一切法皆空 諸法不可得
 善思汝當知 我說如是法 菩提不可作
 是處作者無 若當得菩提 應即見三界

若分別菩提 彼不行菩提 行行及菩提
 彼等無分別 一切有真實 真實無有處
 真實無得故 此是涅槃相 畢竟無出者
 彼無處可得 無有諸物故 不生復不滅
 若能知此義 諸法無真實 彼等無可生
 卽不相諍競 說此甚深法 若無恐怖時
 汝應知彼人 真實是菩薩

爾時世尊說此語已 善思童子復更以偈重白佛言
 世尊利益我 出現於世間 說此法相時
 我無有疑惑 今者具足滿 佛出不思議
 我諸見網縛 今得脫魔網 我已斷生死
 已住道場內 如來說相時 斷除我疑結
 爲我說得處 摧滅諸見等 無畏益世間
 善去我心垢

善思童子經卷上

音釋

詰_{契吉} 嫣_{女釐切} 翳_{於計切} 閨_{苦本切} 鐘_{鑠門限也} 鐘_鑠
 鏗_{七羊切} 鐙_{居六切} 雨_{頰之善切} 寒_{寒動也}
 哮_{昌旁切} 摶_{手捧也} 頽_掉
 喘_{疾息也} 窭_{魚力切} 小兒_{小兒} 赫_{呼格} 盛貌_{明顯} 捏_{昵格切}
 優劣_{優於劣切} 脍_{裕也} 勝_{弱也} 捏_{擗也}

經

善思童子經卷下

卷下

萬曆辛亥春三月奉
佛弟子吳懷保謹發誠心捐金喜刻

善思童子經卷下

隋三藏法師闍那崛多譯

爾時世尊復告善思離車童子作如是言善思童子此菩薩行無虛妄行善思童子此菩薩行是哀愍行善思童子此菩薩行是無患行能斷一切諸過患故慈憐一切諸衆生故善思童子此菩薩行甚深微妙無有相行善思童子此菩薩行真實能離一切欲想善思童子此無欲行無愛憎故善思童子此菩薩行一切衆生平等心行其心畢竟無所得故善思童子此菩薩行大慈悲行於一切法

經

善思童子經卷下

卷下

卷下

無有得故善思童子此菩薩行大布施行無有施
故善思童子此菩薩行不虛詐行不受一切後身
報故善思童子此菩薩行無惱忍行現無諍故善
思童子此菩薩行發誓願行捨懶惰故善思童子
此菩薩行是三昧行以寂靜故善思童子此菩薩
行是智慧行於一切法無有得故善思童子此菩
薩行是無畏行心無恐故善思童子此菩薩行是
無礙行成就如來諸智力故善思童子此菩薩行
是增益行入智慧門無有著故善思童子此菩薩行
行觀十方行無染著故爾時世尊欲爲善思重宣
此義而說偈言

無疑惑行者爲諸菩薩說疑惑及諸行
此二不可得爲諸菩薩說有行無行處
若知此行處彼等無諍競攝受一切法
爲諸菩薩說無所有得處此行最爲上
我行此行處彼則顛倒行既住顛倒行
彼無有畏處此雖名諍行彼諍不可得
若能如是知彼行最上乘此乘無有驚
佛乘最爲上驚及無驚怖一切法假名
雖說諸行處一切不可得一切既不得

經

寶光寺藏

三

取

彼行最爲上 此行甚深行 懈於一切法
 懈及甚深行 皆從分別生 甚深及諸行
 是處一俱無 若知此際者 彼於法無沒
 諸法無可染 非法亦復然 此諸法本性
 當說無染處 無牢及無固 此但是有現
 無有名字處 此句最爲上 我雖說有愛
 彼處無恐怖 以無有物故 彼處不生競
 此諸衆生行 此處無有真 若有知此者
 彼爲善說行 此處無衆生 故我說衆生
 衆生法一等 此路最爲上 心及有衆生
 畢竟不可得 此名爲最慈 我前說大慈
 世間大施主 亦名大衆生 常樂行布施
 故名大施主 法尚不可得 況復當有邊
 大智菩薩輩 故名爲施主 佛旣不可得
 法亦不思議 此戒不失犯 諸法無倚處
 彼等不思議 佛戒不思議 不分別戒行
 爲諸菩薩說 忍向衆生輩 衆生畢竟無
 此是最勝忍 我法行中說 心不可得故
 譯競無處生 此是最上忍 諸法不可得
 菩薩無懈怠 不被他毀辱 此名最精進

經

卷之三

三

名爲不捨取 身心善質直 能辦於此行
 是名最精進 爲諸菩薩說 菩薩能懶惰
 不發諸行等 能不捨不取 彼住最精進
 心界不可得 若外若在內 故名寂定心
 其心無有處 攀緣及心行 真如中無有
 不思彼三昧 示現如是定 我說此三昧
 自在修伽陀 能行此行者 我說彼得定
 不以智能知 有諸真如法 真如及智慧
 此二邊無有 此法不可得 此是識境界
 法不以識知 真體此處寂 能知如是者
 彼等名真念 菩薩真如行 世所不能行
 彼勝一切衆 爲衆生說法 彼無衆生相
 見復有徒衆 衆生如幻化 幻化亦無有
 如是能說者 彼無有恐怖 若我若他身
 此二俱無有 能有此智者 彼無有驚怖
 諸內及與外 有相畢竟無 心無怯弱處
 卽勝一切世 諸法無有體 猶如虛空行
 既如虛空行 法真如亦然 善能知此智
 菩薩無所畏 巧解一切法 彼知衆生行
 既知無衆生 一切法亦然 界智巧解知

彼界不可得 若入是法門 此路最爲勝
 有能從此道 卽知衆生行 境界及衆生
 此二無有物 欲識諸法門 須知此勝智
 若內若有外 智慧無集處 無礙諸法中
 故名爲實際 諸法不思議 故名爲佛法
 彼無所有處 其處亦復無 若能如是行
 世間無障礙 智旣無有礙 故名爲佛智
 諸法不思議 彼輩無真正 諸法旣無體
 是覺諸佛法 佛及諸佛法 此二俱無有
 菩提無有故 是名爲佛道 乘此大乘者
 到法安樂處 此世最爲勝 人世不可得
 凡世間所有 一切處衆生 彼菩薩爲勝
 行此勝智者 能求此諸法 佛法不思議
 能得此諸法 彼卽近菩提 菩提及諸法
 此二畢竟無 能作如是行 卽近諸佛法
 能行此行者 不染諸世間 旣無有染心
 彼去菩提近

爾時世尊說此偈已復更重告善思離車童子如是
 言復次善思我今宣說若有菩薩摩訶薩等善著鎧
 者能於如是甚深經典能善說者最妙微密善說之

時聞已其人能不驚怖不悔不沒如是菩薩摩訶薩等卽得住於菩提道場卽得入於諸佛境界卽證無礙卽住無爲解脫法門又能巧住無得之行卽能觀察一切十方卽能證得大慈大悲卽得諸佛十八不共法卽得無上最大灌頂說此甚深微妙法時能有信行能有思惟如是法者諸佛已觀彼等菩薩一切諸佛已護持彼若菩薩能信此行者或有不信於此行者亦爲一切諸佛所知若有能入此法門者諸佛已知若能信行此法門者我當爲於彼等作師彼等則爲隨我出家爾時世尊欲爲善思重宣此義而說

偈言

彼等證道場	道場者卽空	若不取菩提
彼等卽住智	諸法無有礙	畢竟不可得
法旣不可得	解脫亦復然	諸佛智行者
一切諸法處	及於諸法行	世尊如是說
有礙無礙處	愚癡作是心	佛及大菩薩
不如是分別	雖觀世間法	世間畢竟空
智能觀世間	彼智亦無有	衆生及諸佛
一種無分別	旣無分別處	彼慈最爲勝
法界廣大性	衆生界亦然	大智諸菩薩

不如是思惟 雖復欲起慈 彼慈實無體
 慈體及無性 非衆生境界 若五指量空
 先無今亦無 諸世間亦然 此慈最爲勝
 諸法無上者 名爲諸佛法 彼等無得處
 此卽是真體 世尊大慈悲 無有形與色
 如是無色法 是行名世間 虛空無有邊
 境界不可執 諸佛如是法 智者行此順
 是卽無上智 而智不可得 智旣無得處
 彼處實無有 此岸及彼岸 若思惟若見
 彼等無此行 甚深是名相 若知此等法
 一切處平等 於我法行中 不假求知識
 若作取捨心 分別二見處 此事言有者
 彼非善知識 有言此法成 或言此法滅
 善思此比丘 非是我弟子 言證苦滅者
 畢竟不可得 如是說法師 彼非說我法
 諸法無起處 何言諸法集 無起處說滅
 彼等遠我法 如是寂法中 無有分別處
 諸法旣無有 滅處亦復無 若有諍競心
 報名說寂滅 善思汝知此 彼不名真實
 說道及與法 此是示現有 旣示現有處

彼假現有路 我說諸菩薩 未來世大智
能作如是行 彼依此境界 能行此行者
諸佛說甚深 彼已供養我 利益諸含識
能持此經典 諸大智菩薩 彼於未來世
住持諸法故 我所說諸法 常住無分別
此即是菩提 離此無別道

爾時世尊說是法已 是時善思離車童子於諸法中
卽便證得無生順忍 既得證彼無生忍已遠離一切
世間憂喜得大歡樂 卽更飛騰上虛空中離地高於
七多羅樹爾時世尊當於彼時卽便微笑而諸世尊
有如是法微笑之時 從其面門出種種光其光雜色
所謂青黃赤白紅縹綠紺玻瓈彼之光明如是偏照
無量無邊諸佛世界乃至有頂大梵天宮照已還廻
至於佛所圍遶三匝 遠已從於佛頂而入當入之時
此之大地具足六種十八相動動偏動等偏動踊偏
踊等偏踊沒偏沒等偏沒震偏震等偏震吼偏吼等
細栴檀末沉水末香及天華雨天諸種種微妙音聲
自然而作此之三千大千世界清淨莊嚴猶如北方
鬱單越國莊嚴華麗一種無殊此之三千大千世界

亦爾無異爾時長老阿難比丘從座而起整理衣服偏袒右肩右膝著地合掌向佛而白佛言希有世尊未審如來有何因緣微笑放光諸佛世尊非無因緣而放光明作是語已卽便以偈而白佛言諸佛世間最勝尊 微笑放光必有以利益之處願尊說 有此瑞相何因緣

虛空天雨華 供養世尊故 歡喜皆歌嘯 稱讚說此經 三千世界中 種種莊嚴淨 猶如鬱單越 光普照十方 如昔諸世尊 其中受記者 佛出光照訖廻入佛頂中

世尊所放光 其光種種色 從佛面門出 爲我說此因

爾時世尊卽以偈告長老阿難作如是言

此童子善思 宿植善根厚 當於未來世 成佛兩足尊

爾時世尊說此偈已告阿難言阿難此之善思離車童子從今已去供養恭敬億那由他阿僧祇劫諸佛如來承奉不違彼諸佛教又復供養彼世尊衣服湯藥房舍臥具四事皆足彼諸如來滅度之後供養舍利以種種寶而用作塔其一一塔各各皆高百千由

90123456789

20

卷之三

九

貞十一

旬於彼一切諸寶塔中安置舍利以諸名香供養彼塔復將一切華鬘校飾一切諸寶一切諸幡種種妙華及栴檀末沉水末等而以散上復將最妙種種音聲以供養之供養彼諸多他阿伽度阿羅訶三藐三佛陀以捨最後身而得作佛名爲淨月多他阿伽度阿羅訶三藐三佛陀出現於世善逝世間解無上士調御丈夫天人師佛世尊爾時世尊欲爲阿難及諸大衆重宣此義而說偈言

若滿十方界 諸寶妙珍奇 布施佛世尊
及諸菩薩衆 得聞此法相 如大聖所宣

校量財施功 此福多於彼

爾時長老舍利弗聞佛世尊說此校量功德語已卽更以偈而白佛言

世尊說此經 甚深最微妙 而不說名字
我等云何持 此經典所明 諸法皆平等
無有得不得 希有佛善說 有漏及有爲
無漏無爲法 此經不分別 世尊善巧說
世間出世間 世諦第一義 二界無有異
此經如是說 佛所說諸行 方便爲衆生
真理皆悉無 世尊金口說 諸佛及諸法

0 1 2 3 4 5 6 7 8 9 20 1 2 3 4 5 6 7 8 9 20

彼等一切無能所乘並空希有佛善說
十方諸世尊所說諸法相彼等無真體
此經如是行善哉大聖尊善哉最勝智
此經名云何爲我等解說智慧此語已
今日決諸疑八功德相圓音聲告於彼
欲知此經者名爲灌頂王雖言灌頂王
灌頂亦無有能持此經者諸佛說彼人
於天人世間當爲如寶塔我說是經處
聽衆有八千多種諸善根發無上道意
彼等於來世決作無上尊得聞此妙經
難思議福德止住安隱處甚深善根中
彼乃如是能受持此經與係念專讀誦
此之灌頂王彼等人輩於諸法無疑惑
此不說初忍第二忍亦無諸法相旣空
云何有說處若人受持此灌頂王經典
彼作如是等諸法乘辯才若有智女人
受持此經典速捨女雜穢罪業不淨身
一智一切知一切智一知此是持諸法
此經中具說此經所說法入處如虛空
我說此入道作諸法光明卽知種種明

處處有多種 雖復說諸法 彼法不可得
 所有無言體 其相畢竟無 知是諸法門
 是名受持法 言無諸法者 彼處有無無
 此是法體相 名爲陀羅尼 若人欲無邊
 一切光明照 當持此經典 善說灌頂王
 欲求法界邊 此中已說訖 彼界不可得
 故名陀羅尼 一切法甚深 法者無得處
 既無法得處 彼處無亦無 若成就辯才
 智深遠無礙 乃能知此義 是經無所有
 如阿耨達龍 於空中降雨 彼無有心想
 名不可思議 若欲廣多宣 種種辯才說
 依此經中學 無倚一切法 彼法無來處
 善說如此經 諸法無有生 如此經所說
 如日光明照 彼光無處來 此經如是明
 法光常充滿 來世善男子 欲無盡辯才
 當學灌頂王 善說此法本 速得無礙辯
 甚深不思議 若學灌頂王 世多作利益
 若不修此法 無上灌頂王 彼人不受持
 如是無譬喻 彼等四部衆 遠我法行中
 不解此義人 無義可能義 若有四部衆

卷之三

三

取十

能行此行時 無上諸法中 卽爲世間眼
 如忉利宮殿 顯現高巍巍 此經典亦然
 世間最爲勝 如立須彌頂 観見世間人
 妻是住此經 觀見一切法 如人闇夜中
 秉高大火炬 彼人所行處 終無諸黑闇
 此經光所照 明見一切法 能持此經者
 彼無諸闇黑 譬如日光燄 一切處悉明
 此經典亦然 能出多種法 又如虛空月
 放光明流轉 如是此經典 徧照十方界
 此印諸法印 一切印中印 故遣住此印

爲諸菩薩輩 如欲印虛空 本無亦不住
 虛空及與印 此二是分別 如是佛及法
 此經中所說 諸佛不可說 諸法亦復然
 如王捨命時 慇懃善屬授 勅諸大臣等
 財付我諸子 如是聖法財 我昔修習得
 阿難汝來世 付囑諸菩薩 我已說此經
 爲諸菩薩輩 能持是經者 此人福甚多
 能信受此經 依灌頂王說 彼人若致疑
 我當不作佛 人欲自在辯 於諸法無礙
 應當學此經 我善說灌頂 世間說諸法

90123456789

20123456789

20

彼是菩提道 知已莫懈怠 此經當讀誦
彼等正信人 於世間無惑 既讀誦此經
復能爲他說 此是諸佛法 爲諸菩薩說
得聞此經已 莩深難思議 當說此經時
十方一切佛 微笑放光明 各言善說此
豎立大勝幢 法幢不思議 此經四句偈
爲大衆演說 巧行多方便 不思議法中
能持此經者 兼復爲他說 彼人共佛語
證法無上尊 能持此經者 不思議灌頂
爾時世尊說此偈 報舍利弗已復更重告長老阿難
作如是言阿難若有比丘或比丘尼諸優婆塞及優
婆夷於當來世有能信心聽此經典受持讀誦彼人
當得最大福德其福德聚不可稱量無有邊際譬如
空界無有人能量知邊際如是如是長老阿難此法
本中有能受持一四句偈或自讀誦或爲他說彼人
所得功德善根亦不可量亦不可說無有邊際爾時
世尊欲爲阿難及諸大衆重宣此義而說偈言
若能讀誦此 無邊方便身 利益多衆生
灌頂王憐愍 假使我今說 虛空可度量
欲比較斯經 不可得窮盡 千方一切佛

世中無上尊 若受持此經悉皆供養彼
 十方一切佛 斷生死法王 能持此經人
 名已供養彼 十方諸世界 除斷十惡根
 聞此經典人 能供彼諸聖 或未來諸佛
 及過去如來 現在十方中 兩足尊無上
 能作師子吼 彼悉供養之 能受持此經
 諸佛所宣說 持資財供養 此非正智人
 若能持此經 供養中爲最 一切十方界
 滿七寶行檀 以供諸世尊 幸持此經福
 若學此經典 一如灌頂王 此敬諸如來
 真實如中顯 我所說諸法 諸佛不可得
 彼聞不驚怖 卽是供世尊 此供養最深
 世間無解者 不取及不捨 此供養最勝
 諸佛及諸法 一切不取捨 此供養最勝
 諸佛世尊歎 往昔鋐光佛 我供養此法
 此供最爲勝 爲諸菩薩說 於時彼佛邊
 我持此供養 彼佛授我記 汝當得作佛
 若當欲作佛 復爲衆生最 應成就此路
 是名供養佛 我如是供養 今得成佛道
 洞達一切法 堪受天人供 所有諸佛法

世間無上尊 乘此最勝供 諸供養中最
證於佛境界 智慧不思議 能作師子吼
如我今無畏 作師子吼已 得諸法自在
解脫衆生輩 入無漏涅槃

爾時世尊說此經已善思童子及毗耶離一切大眾
天龍夜叉乾闥婆阿修羅人非人等聞佛所說皆悉
信受歡喜奉行

善思童子經卷下

音釋

詬古況切

懶惰懶魯旱切

鑑音定切

鑑

可亥切

纓匹沼切

纓

青

白色也

鋗

嘯先弔切

而出聲也

萬曆辛亥春三月奉
佛弟子吳懷保謹發誠心捐金喜刻此經下卷

錢印分

90

1 2 3 4 5 6 7 8 9

200

1 2 3 4 5 6 7 8 9

20

1 2 3 4 5 6 7 8 9

20

1 2 3 4 5 6 7 8 9

20

證於儒王矣。吾言有異焉。

如我今無是。

作而生以成之。

卷之三

一
半
八

90 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200